



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



91.99

---

K-58



19712

891.99 պ.  
4-57

20 JAN 2006

19 NOV 2010

# ԱՆԳՈՐԾ ԿԱՆԱՅԻ

1

## Ա Շ Խ Է Ն

1001  
1309



ես մի անգամ լսեցի գրադարանի գրքի խօսակ-  
ցութիւնը փոքրիկ երեխայի հետ և գրի առայ.

Գիրքն ասում էր երեխային. «Սիրելի մանուկ,  
խնդրում եմ ինձ չ՛վերցնես կեղտոտ ձեռքերով: Ես  
ստատիկ կամայճեմ, երբ ուրիշ երեխաներ ինձ մաքուր  
չտեսնեն: Մի թող ինձ անձրևի տակ, չէ՞ որ գրքերը  
նոյնպէս փոքրիկ երեխաների նման հեշտութեամբ կը-  
մրսեն: Ինձ վրայ չ՛գրես կամ նշան չանես ոչ գրչով  
և ոչ մատիտով, դա շատ տգեղ է: Կարգալիս էլ ար-  
մունկդ մի գնիր երեսիս, ստատիկ ցաւեցնում ես. նոյն-  
պէս բաց մի ձգիր ինձ երեսիս վրայ, քեզ էլ դուր չէ  
գայ, երբ նոյն ձևով հեռոց վարեն ուրիշները:

Թերթերիս մէջ մի գնիր ոչ մատիտ և ոչ էլ որ  
և է հաստ իր՝ բացի բարակ թղթերից, որովհետև դը-  
րանից կըփչանայ իմ կողմը:

Եթէ կարգաւոյ վերջացրել ես և վախենում ես  
կարդացած տեղը կորցնել, եղունկներով նշաններ մի  
անիր, այլ պահիր իմ մէջ մի թուղթ կամ գեղեցիկ  
ժապաւէն, ծածկիր ինձ և դիր նախկին տեղս: Մի մո-  
ռանար, որ քեզանից յետոյ ես դեռ շատ երեխաների  
էլ պիտի այցելեմ:

Օգնիր ինձ միայ մաքուր և գեղեցիկ:  
Իսկ ես կ'օգնեմ քեզ լինել երջանիկ:

Բ Ա Ք Ո Ւ

Տպարան Ս. Անտոնեանցի.

1 9 0 3



Дозволено Цензурою. 30 Октября 1902 г. Тифлясь.



Ա.

Հայրս հարուստ էր. որ նա սնանկացաւ — այդ ճշմարիտ է, բայց թէ ինչո՞ւ — այդ չգիտէի. միայն յիշում էի, որ մի օր ստիպուած եղանք թողնել Կէդիկ-փաշայում մեր սեպհական բնակարանը և փոխադրուել Ենի Քափուկ յետ ընկած մի անկիւնում ապրելու: Այդ օրից հօրս հին ծանօթները երես դարձրին մեզանից, և պէտք է ասած որ հայրս էլ չէր ուզում այցելութիւններ անել կամ ընդունել: Նա ամաշում էր իւր ազքատ դրութեան մէջ երեւալ հասարակութեան և միայն կիրակի օրերն էր տնից դուրս գալիս եկեղեցի գնալու և ազքատներին սոգորմութիւններ բաշխելու համար: Նրա աշխարհը ես էի, միայն ես, որ իրեն չէի ծաղրում, երբ տեսնում էի իւր ազքատ դրութիւնը. ես էի, որ ուսումնարանից արձակուելուց յետոյ գնում էի հին կալուածներից մնացած մի քանի խանութների վարձն առնելու և մեր





պէտքերին ծախսելու համար: Ծայրայեղ խնայողութեամբ ինձ թեւադրում էր ծախսել փարաները նա՛ որ, ինչպէս ասում էին իւր ժամանակակիցները, սոկիներ էր վառնել շուշլ և անհաշիւ, անվերջ: Նա իւր առանձնութեան մէջ օրուայ մեծ մասն այժմ անց էր կացնում ինքնահիւստասցումով, նա կարգում էր միշտ կրօնական գրքեր. նա տանջւում էր անցեալի յիշողութեամբ և աղօթքների մէջ փնտռում էր մխիթարութիւն:

Նրա վարած քաջուած կեանքն ինձ չէր գարմացնում. անտեսական դրութեան փոփոխութեան հետեանքն էի համարում այդ. միայն մտածում էի, թէ նա ինչո՞ւ սնանկացաւ այդպէս յանկարծ, և մենք աղքատ սկսեցինք ապրել, և չէի կարողանում դրա պատճառը հասկանալ, քանի որ ոչ մի դրական պատասխանով չէին գոհացնում իմ հարցասիրութիւնը նրանք, որոնցից տեղեկութիւններ էի հարցնում:

Տօրեղբայրս, ուրիշ ծանօթներ, մանաւանդ պարտապահանջները, որոնք գրաւեցին մեր ինչքը, պատմում էին, որ իբր թէ հայրս սնանկացած է իւր վարած անառակ կեանքի պատճառով. դա բիշ թէ շատ հաւանական էր, որ քովհետև մոռացայ ասելու, որ նա երեսուն տարեկան հասակում այրի մնաց՝ և, չնայած իւր ունեցած այնքան գիւրութիւններին, կրկին ա-

մուսնանալու փորձ չարեց: Պարզ բան էր, որ նա յազեցնում էր իւր պահանջներն այս ինչ կամ այն ինչ կնոջ գոգի մէջ հարիւրներ թափելու: Մինչդեռ ինքը հաշուեհետորը ցոյց տալով հաստատում էր, որ սնանկացած է այն դատի համար, որ ինձ ծանօթ էր: Եւ իսկապէս այդ դատը տեւց մօտ 17 տարի շնորհիւ գատական իշխանութեան անկանոն ընթացքին և բէլերի կաշառակերութեան ու անհողութեան: Իսկ ինչ վերաբերում էր կրկին շամուսնանալուն—այդ բանը նա բացատրում էր այսպէս. իբր թէ այնքան սիրելիս և պաշտելիս է եղել մօրս, որ նրա յիշատակը չպղծելու համար երբէք չի մտածել երկրորդ անգամ էլ „աշխարհ մտնել“: Նրա այդ բացատրութիւններն ինձ չէին բաւականացնում և զրկուած ժառանգ լինելուս գիտակցութիւնն ինձ աւելի հակամէտ էր անում հաւատալ միւսներին, այնպէս որ մի անգամ նոյն իսկ խօսք բաց արի նրա մօտ այդ մասին: Նա ոչինչ չպատասխանեց ինձ. վրաս յառեց իւր մեղանալձօտ և տխուր հայեացքը և կատարեալ կրում արտայայտող ձայնով ասաց. — „Գու. էլ... պաւակս...“: Այդ մի նախադասութիւնն այնքան ներգործեց ինձ վրայ, որ կրկին և կրկին անգամ ներողութիւն խնդրեցի ձեռները համբուրելով և խոստացայ ուրիշ անգամ այլ նա չկրկնել այդ անխոհեմ բանը:



**Բ.**

Մի քանի տարիներ անցան: Մի օր ես ու հօրեղբայրս դնացել էինք Թէփէ-Քաշիի այգին զբօսնելու: Նստած ծառուղիներից մէկում, մի մարմարածածկ սեղանի առաջ, դիտում էինք անց ու դարձ անողներին, երբ օրիորդ Սահակեանը, մի քառասնամեայ համեմատաբար թարմ ազջիկ, ժպտալով բարևեց ինձ, ձեռքը տուեց սեղմելու և խնդրեց մի քանի ըոպէ իրեն լսել: Հօրեղբայրս ակամայ և ակնյայտնի տհաճութեամբ թոյլատրեց ինձ նրան ընկերանալ, և ես ու նա հեռացանք սեղանի մօտից ու սկսեցինք հեռու ծառուղիների երկայնքը ման գալ: Օր. Սահակեանն սկսեց հարցնել իմ և հօրս որպիսութեան մասին, կատարեալ հոգածութեամբ վերաբերուեց նրա տխուր դրութեանը և չափազանց զգացուած, գրեթէ արտասուքն աչքերին լսեց ինձ, երբ պատմում էի հօրս ցաւերի և տանջանքների մասին: Նա մանրամասն ուզում էր ամեն բան իմանալ և հարցեր հարցերի հետևից առաջարկում էր ինձ, երբ նրա եղբայրը, որ նրան էր փնտռում այգում, յանկարծ մեր գէմ ելաւ և մի խոժոռ հայեացք ձգելով ինձ վրայ յանդիմանական շեշտով ասաց քրոջը.

— Ես քեզ էի փնտռում, Աշխէն, մինչ դեռ դու այստեղ ինչ որ բան ես որոնում:

— Ոչինչ չեմ որոնում, եղբայր,— պատասխանեց քոյրն զգացուած և բողբոջ ձայնով ու վերջին անգամ ձեռս սեղմելով հեռացաւ:

Վերադարձայ հօրեղբօրս մօտ, որի սուրճի բաժակը դատարկուել էր, իսկ իմ բաժին բահաթ լըրումուն (քաղցրեղէն) դեռ մնում էր սեղանի վրայ պնակիկի մէջ:

— Ինչո՞ւ այսքան ուշացար,— հարցրեց նա նեղացած:

— Խօսում էինք հօրս մասին,— պատասխանեցի միամտութեամբ:

— Ի՞նչ էիր խօսում այսքան երկար. չեմ կարծում, որ նա հօրովդ հետաքրքրուի այժմ էլ, քանի որ հայրդ այլևս մնանկացած է և պառւած. նրան քեզ նման տաքարիւն պատանիներ են պէտք, որոնք տրամադրութիւն ունենան վճարելու:

Առաջին անգամից չկարողացայ հասկանալ նրա միտքը և պատասխանեցի դարձեալ միամտութեամբ.

— Սիրելի հօրեղբայր, չէ որ հայրս իւր այժմեան դրութեան մէջ աւելի շատ հոգածութեան է կարօտ քան առաջ, երբ հարուստ էր ու երկատարդ:

Նա ուղղակի չպատասխանեց իմ հար-



ցին, այլ կարծես ինքնիրեն շարունակեց.

—Ախ, կործանուի Փրանսիան, որ նոր ու  
անբարոյակիան բաներ սովորեցրեց մեզ: Մեր  
ժամանակ սր կիներ կարող էր իւրաքանչիւր  
տղամարդու հետ խօսել, պչրիլ և նրան դրա-  
ւելու փորձեր անել: Է՛հ, ինչ եմ ասում, չէ՛ որ  
այժմ ամեն բան մտղա է: Խիպ, ամօթ, սրբու-  
թիւն, ամեն բան վերացել է աշխարհից, և  
մենք դեռ սպասում ենք Աստուծոյ արգարա-  
դատութեան: Յիսուն տարեկան է այդ կինը,  
բայց տես ինչպէս է հագնուել, ինչպէս փայ-  
լուն է նրա գէմքը, ինչպէս ջահել է նրա հա-  
սակը, կարծես երեսուն տարեկան լինի, և  
ինչո՞ւ չպիտի լինի, քանի որ խեղճ եղբօրս  
նման շատերին է սնանկացրել և ինքն առաւօ-  
տից մինչև երեկոյ զուարճացել: Այդ բաւական  
չէ, մտածում է դեռ մի խեղճ երեսայի էլ  
գժուացնել ու նրան ծախել տալ այն, ինչ որ  
մեռացել է հօրից... Որքան էլ լաւ ու շնորհալի  
է ժպտում: Կնոջ ժպտը հէնց անառակու-  
թիւն է:

Հօրեղբօրս երկար ճառախօսութեան ժա-  
մանակ մի քանի անգամ ուզեցի ընդհատել նրան  
և լուսաբանել իւր ասածները իմաստը, բայց նա  
առանց ուշադրութիւն դարձնելու ինձ վրայ  
շարունակեց իւր մենախօսութիւնը, մինչև վեր-  
ջացրեց: Եւ ամեն բան պարզուեց ինձ համար.

պարզուեց մութ գիշերուայ մէջ, կարծես քնից  
նոր գարթնամ աչքերիս առաջ: Կամաց կամաց  
սկսեցի ըմբռնել սակայն այն, ինչ որ դեռ  
մութ էր մի րոպէ առաջ, և ամաչում էի, ամա-  
չում էի հօրս փոխարէն: Կասկած չկար, որ  
օր. Սահակեանը հօրս տարփուհին է եղել ան-  
ցեաղում և ինչպէս շատ շատերին, այնպէս էլ  
նրան սնանկացրել է առասպելական գնով ծա-  
խելով նրան իւր կապրիզներն և սէրը, և այժմ  
իւր քաղցր բառերով և հոգածու վերաբերո-  
թեամբ ուզում է հօրս և ինձ մոռացնել տալ  
այն սարսափելի հարուածը, որ անառակու-  
թեամբ հասցրել է մեր ընտանիքին: Այո, պարզ  
էր այդ, և միթէ հօրս և նրա յարաբերութիւն-  
ներն առաջնի սնանկանալուց առաջ այդ բանը  
չէին հաստատում: Սկսեցի յիշել գէպքեր այդ յա-  
րաբերութիւններից: Երբ առաջին անգամ վի-  
զից Պօլիս եկայ, օգափոխութեան կնիքարկուե-  
լով հիւանդացայ, այն ժամանակ երեսնհինգա-  
մեայ օրիորդն աննկարագրելի հոգածութեամբ  
ինձ խնամել սկսեց. նա, իբրև իւր որդուն,  
ինձ ներկայացրեց իւր եղբօրը՝ բժ. Սահակեա-  
նին և պարտաւորացրեց նրան ինձ բժշկել, և  
ինքը քանի գիշերներ հսկեց ինձ վրայ անքուն:  
Չնորհիւ նրա հոգածութեան շուտ առողջացայ  
և երբ ըսկսեցի ուսումնարան գնալ, նա մեզ մօտ  
լինելիս շատ անգամ ինձ կրկնում էր դասերս



և գրեթէ երկու օրը մէկ գալիս էր նա մեզ մօտ: Չատ անգամ նա ժամերով ինձ հետ խօսում էր իմ մանկութիւնից, հարցնում էր, թէ ինչպէս էի ապրում գիւղում, և երբ պատմում էի նրան մեր գիւղի այգիների, մարգագետինների, ջրերի և ընկերներիս մասին, երբ նկարագրում էի, թէ ինչպէս էինք ձիրան գողանում այգիներից և լուղանում յատակ մաքուր ջրերում և, որ գլխաւորն է, երբ բացատրում էի, որ կարօտում եմ գիւղը, իմ մանկութիւնն այնտեղ և տանջւում եմ Պօլսում, ուսումնարանի և երկյարկանի հարուստ տան շորս պատերի մէջ, — նա գրեթէ միշտ համբուրում էր ինձ, քաջալերում էր աշխատել և յոյս էր տալիս, որ շուտով գիւղ կը գնանք իւր հետ միասին: Նա հօրս հետ վարւում էր ազատ մտերմութեամբ մեր տան մէջ, և հայրս ամիսը երկու անգամ նրան փող էր տալիս, բացատրելով որ օրիորդը իւր կալուածների կառավարութիւնը յանձնել է իրեն: Ինչո՞ւ: Եւ այդ բոլորին հասկանում էի, թէ ինչո՞ւ: Հօրս սնանկանալուց յետոյ նա այլևս չէկաւ մեզ մօտ և, որքան կարծում եմ, հօրս էլ երբէք չտեսաւ, բայց միշտ ինձ տեսնելիս անկեղծ ցաւակցող բարեկամութեամբ նման նրա և իմ մասին էր հարցնում կարեկցութեամբ: Չատ անգամ իրենց տանն էի ճաշում գրանից յետոյ, նա ինձ կոչում էր իւր գաւակը և իւր բարե-

կամներին ներկայացնում էր ինձ հպարտութեամբ և ուրախութեամբ՝ մանաւանդ երբ լաւ թուանշաններ էի ներկայացնում: Երբեմն անյապարար համբուրում էր ինձ, կրծքին էր սեղմում, երբ առանձին էինք լինում, և երկար լաց էր լինում ձեռներս իրենների մէջ պինդ պահած: Այդ յաճախ կրկնուող անկեղծ և զգայուն սիրոյ ցոյցերից զգացւում էի ես և ինձ երախտապարտ էի զգում նրան, չնայած որ նրա մասին լսել էի, թէ անառակ է նա: Անառակ բառն այն ժամանակ ինձ չափազանց ծանր էր լուծւում լսել, և կարծում էի որ անառակ կանայք սիրել չեն կարող ոչինչ և ոչօքի: Երբեմն մտածում էի, որ այդ կլինն ինձ սպանելու է անբարոյականութեան մէջ. բայց միայն զգում էի, ոչինչ չէի տեսնում և յարգում ու սիրում էի նրան: Իրաւ է, շատ հիւրեր էր ընդունում առհասարակ. բայց նրա բերնից ոչ մի վատ խօսք չէի լսել մինչև այդ օրը, և նրա մասին լսածներս գարշելի և ստոր տարածայնութիւններ էի համարում. բայց հօրեղբօրս մեղադրող ճառը, որ նա արտասանում էր այնքան լուրջ և սառը, կասկածելու տեղիք չէր թողնում: Ես հաւատացի, որ նրա ցոյցերը կեղծ էին, որոնցով ուզում էր կաշառել զգացումներս: Եւ միթէ նա շատ գիշերներ չէր անց կացնում օտար տղամարդկանց հետ, միասին ընթրում հիւ-



բանոցում և ուշ վերադառնում տուն. քանի՜ քանի՜ անգամներ մինչև ժամը չորսն սպասել եմ նրա ընդունարանում, քնել եմ թիկնաթուփ մէջ, և նա յոգնած մտել է, դարձեցրել է ինձ ու տարել իւր սննեակը, ուր պատրաստել է տուել ինձ համար անկողին, և ես քնել եմ: Ո՛հ, ի՛նչ տգեղ վարք ու բարք ունեն նրանք, այդ կանայք, որ անառակ են, սրտնք առանց խղճալու ընտանիքներ են կործանում, կեանքեր են թառամեցնում և սերունդներ փշայնում. զբանք յախտնեական անէծքի ծնունդներ են, որոնց մօտեցողը մահանում է գանդազ, անզգայարար: «Օհ, հայրս, հայրս... նա պղծել է իմ մօր յիշատակը, նա մոռացել է մեր օջախի պատիւը, նա թունաւորել է իմ սպազան... նա իմ հայրը չէ... ես նրան ատում եմ...»: Եւ տանջւում էի հօրեղբօրս արձանային ստանութեան մօտ նըստած ու վնասում էի միջոց շուտ հեռանալու նրա մօտից, կարծես նա յախտնեական յանդիմանութիւնն էր, և գնալ հեռու, հեռու լաց լինել անվերջ: Ես ինձ զգում էի անարդուած, խաբուած բոլորից, բոլոր աշխարհից...

Վերջապէս դուրս եկայ այգուց և մտայ ամենախուլ փողոցներն ու սկսեցի թափառել: Մտածում և տանջւում էի հեռոյհեռ, աւելի շատ, կարծում էի, որ պատերն ու անցորդներն ինձ ծաղրում էին, երեսիս էին տալիս հօրս

անբարոյականութիւնը: Գաւառացի պատանին մարուր է նոյն իսկ Պօլսի ապականիչ մթնոլորտում. այն, այդ բանն ինձ զայրացնում էր, խեղդում էր, սրին զուցէ չհաւատայ ընթերցողս, բայց ես իրականութիւնն եմ պատմում: Մտայ Թակսիմ փողոցը: Սահակեաննց քառայարկ և հոյակապ տան ճակատն ուշադրութիւնս գրաւեց և ինձանում ծնեցրեց մի միտք, ուզում էի գնալ և ինձ տանջող հարցերի մասին բացատրութիւն պահանջել օրիորդից: Քայլերս ուղղեցի դէպի տան դուռը և առանց մի բոպէ իսկ մտածելու, որ նրանք, քոյր ու եղբայր, ինձ հանդիպեցան Թեփէ--Բաշիում, մատս դրի դրան գանգի ելեկտրական կոճակի վրայ: Գուռը բացուեց և գոնապանն ինձ յայտնեց, որ օրիորդը և պարոնը տանը չեն:

Հեռացայ անից և սկսեցի դարձեալ թափառել կողմնակի փողոցներում: Ես ինձ այնքան լքուած չէի զգում այլևս, ընդհակառակը վրէժ առնելու բաղձանքն ինձ աւելի ուժ էր տալիս մտածելու, թէ ինչպէս նա պիտի ջախջախուի իմ բարկութեան ծանրութեան տակ, եթէ իսկապէս քիչ թէ շատ մարուր զգացում ունի նա դեռ: Նրա երեսին կըտայի իւր անամօթ անցեալը. հաշիւ կը պահանջէի հօրս անունով, և նա կազաչէր, կրպագատէր, կըխնդրէր ինձ, որ իրեն ներեմ: Այն ժամանակ ես գոհ



և հպարտ կըլինէի: Իսկ ինչ վերաբերում էր հօրս, նրա դատաստանը թողնում էի իւր խղճի խայթին, որ արդէն տանջում էր նրան:

Մի քիչ ժամանակ յետոյ, բայց չեմ յիշում օրուայ որ ժամին, մտայ Սահակեանենց տունը: Գոնապանը յայտնեց ինձ, որ պարմնն ու օրիորդը վերադարձել են: Առաջին երևացող ազականին յայտնեցի իմ դարու մասին իմաց տալ օրիորդին և նրա առաջնորդութեամբ բարձրացայ մարմարեայ լայն սանդուղներից ու մտայ օրիորդի առանձին բնակարանի դահլիճը, ուր մի քանի բոլոյէ սպասելուց յետոյ պատիւ ունեցայ նրան ներկայանալու:

Իւր արդուզարդի սենեակում ինձ էր սպասում:

Ներս մտայ և առանց բարևելու նրան կանգնեցի դրան առաջ մինչև աղախինը մեզ առանձին թողեց: Նա հրաւիրեց ինձ նստել մի թիկնաթուռի վրայ և սպասել մինչև ինքը կըփոխի շորերը, քանի որ պտոյտից նոր էր դարձել:

Նրա հրաւերը մերժեցի և շարունակեցի անշարժ մնալ կանգնած տեղս առանց մի բառ իսկ արտասանել կարենալու:

— Ի՞նչ բան քեզ ստիպեց այսպէս անժամանակ գալ ինձ մօտ, սիրելիս:

Չկարողացայ իսկոյն պատասխանել:

Չափազանց լիրբ և յանդուզն հեղնութիւն էր նրա ժպիտը: Մի քանի անհասկանալի բառ կմկմացի և լռեցի:

Նա հայելու առաջ նստած իւր կորսածն էր ուզում և առանց իմ կողմը նայելու յարեց.  
— Խօսիր, գաւախ, խօսիր...

Բոպէական շփոթութիւնից յետոյ վախկոտ ձայնով ասացի.

— Ձեր կեանքում երբևիցէ անկեղծ եղել էք, օրիորդ:

— Այդ ի՞նչ է... սիրելիս... միթէ իմ փոքրիկ բարեկամի հետ միշտ անկեղծ չեմ եղել,— պատասխանեց նա փաղաքշական տոնով և ժպտալով ոտի կանգնեց: Մազերը ցրուած և կուրծքը բաց մօտեցաւ ինձ և ձեռներս բռնելով զարմացած երեսիս մտիկ արեց ու բացականչեց զգացուած.

— Ախ, տէր Աստուած, այդ որքան դժգունել ես, աչքերդ վառուում են:

Եւ մի քանի վայրկեան լռելուց յետոյ կատարեալ հոգածութեամբ աւելացրեց.

— Չլինի՞ հիւանդ ես, սիրելիս: Ասա: Ինչո՞ւ ես այդպէս նայում ինձ: Տե՛նդ ունես:

Ես չէի ուզում նրան հասկանալ և իսկապէս չկարողացայ այն բոպէին հասկանալ, թէ նա որքան է տանջուում է ինձ մօտ, շատ մօտ, և վերջին հարուածը հասցրի.



— Խնդրեմ, օրինուրդ, ինձ հետ անկեղծ եղէք, գոնէ ձեր կեանքում միայն մի բուպէ:

Նա ձեռքս միշտ բռնած զգացուած ու անհանգիստ շարունակ նայում էր երեսօխ:

— Ասացէք, անկեղծ ասացէք, քանի տարի ապրեցաք հօրս հետ, մինչև որ նրան անանկացրիք կատարելապէս:

Նա յանկարծ գունաթափուեց, թողեց ձեռքս և սպառնական մի հայեացք ձգելով վրաս հեռացաւ ինձանից: Յետոյ դարձեալ մօտեցաւ ինձ և դարձեալ ձեռքս բռնեց:

— Այս բուպէիս քեզ գուրս անել կըտայի այստեղից, բայց յարգում եմ հօրդ և սիրում եմ քեզ, իսկ որ գլխաւորն է, հաստատ համոզուած եմ, որ քեզ այստեղ ուղարկողն ո՞վ է և ի՞նչ նպատակով... Նրանք մեզ դժբաղդացրին, իսկ այժմ ծաղրում են մեզ:

— Ուրբեր:

— Հօրեղբայրդ և ուրիշները: Թող անեն ինչ որ ուզում են նրանք: Գու մի լսիլ նրանց և վատ մտածութիւններ մի ունենալ. ոչ մի հայր քո հօր նման որդեսէր չէ. նա գերբնական է այս աշխարհում, ինձ չըջապատողների մէջ, և ես նրան յարգում եմ խորապէս զգալով նրա հոգեկան արժանիքները: Արի, նոտիր ինձ մօտ, չորերս կըփոխեմ, յետոյ ինչպէս բարեկամներ կընթրենք միասին և կըզուարճանանք,

որքան մեզ թոյլ կըտայ մեր հոգեկան գրաւ թիւնը: Իսկ ես առ միշտ կըմոռանամ քո այսօրուայ արածը, թէև այդ ինձ չափազանց վրաւորեց:

— Ամաշում եմ, ձեզ մօտ չեմ կարող մնալ... Ներեցէք, ներեցէք ինձ:

Նա գրեթէ գրկած ինձ մօտեցրեց արդուզարդի սեղանին և նրա մօտ եղած մի թիկնաթուռի մէջ նստեցնելով ինքն էլ մօտս նստեց: Ամօթից ճնշուած էի և թոյլ էի տալիս նրան անել ինձ այն, ինչ որ կամենում էր: Թիկնաթուռի մէջ ընկած աչքերս յառել էի յատակի վրայ փռուած գորգին և տանջուած էի, իսկ նա անհանգիստ նայում էր ինձ, երբ յանկարծ գրկեց գլուխս և համբուրել սկսեց արագ արագ դէմքս, ճակատս, մազերս. կըքով, ուժով, կարծես ուզում էր ինձ այրել իւր շնչով, իւր սիրոյ կրակով: Յետոյ հեռացաւ ինձանից, ընկաւ իմ դէմ եղած մի ուրիշ թիկնաթուռի մէջ և ընկղմուեցաւ խոր մտածութեան մէջ: Նա երբեմն ինձ էր նայում քնից նոր դարթնած և իւր երեսին իւր մօտ չգտած մօր հայեացքով, երբեմն էլ ակնարկը յառում էր պատի անկիւնում կլոր եռոտանի սեղանի վրայ գրուած չվառուող լամպի լուսամփոփին: Մի քանի անգամ պարզ նշմարեցի դէմքի կրած փոփոխութիւնները: Նա ժպտեց, խոժոռեց դէմքը,

1001  
1901





դառը ծիծաղեց և վերջապէս կատաղած ոտքի կանգնեց դարձեալ մօտեցաւ ինձ և ձեռքերս բռնած սկսեց ուժեղ թօթուել:

— Ինչո՞ւ, ինչո՞ւ եմ սիրում քեզ... Գու, որ ինձ դժբաղդ արեցիր... Քնն, հեռացիր այստեղից... Ես քեզ չեմ սիրում այլ ևս, ես քեզատում եմ... Վեր կտց, գնա՛... ամօթ... Եւ դեռ համարձակում ես ինձ նախատել... Ես անառակ եմ, ես սնանկացրել եմ քո հօրդ, սնանկացրել եմ նրա նման շատերին... Եւ միթէ՞ իրաւունք չունէի... Տես քառասուն տարեկան եմ, բայց մարմինս իւր կատարեալ համաչափութեան և թարմութեան մէջ... և դեռ շատերին կրխաբի, շատերին կըսնանկացնի... այս... որովհետեւ դու այդպէս ուզեցիր, և ես հնազանդում եմ քեզ... հն, հն, հն...

Նա ջղաձգաբար ծիծաղում էր շարունակ. նրա աչքերը դուրս էին ցցուել, մերկ կուրծքը նկատելի կերպով բարձրանում և ցածրանում էր, շնչառութիւնը ծանր և անհանգիստ էր, և բոլոր մարմնով դողում էր, ցնցում ու ծիծաղում շարունակ:

Սարսափած հայեացքս յառեցի նրա դէմքին և գողում էի:

— Ախ, այդ աչքերը, այդ աչքերը, որքան նմանում են նրա աչքերին... Ոհ... ես սիրում եմ նրան, սիրում եմ քեզ, սիրում եմ...

Յանկարծ գրկեց դարձեալ ինձ և սկսեց պինդ սեղմել կրծքին և կատաղաբար համբուրել:

Իւր քառասուն տարիների սպասողութեան ուժն էր այդ, որ ուզում էր իմ էութիւնը իւր հետ ձուլել:

Գ.

Ութ տարի յետոյ ուսումնարանը վերջացրած ծառայում էի երեք տարուց ի վեր Օսմանեան բանկում իբրև հաշուապահի օգնական: Ես և հայրս փոխադրուել էինք Պերա և ապրում էինք բժ. Սահակեանենց տանը համաձայն օրիորդի կտակի, որ կազմել էր մօտ երկու տարի առաջ և կազմելուց մի շաբաթ յետոյ մեռել էր աններելի մի հիւանդութիւնից, որ բժշկել իզուր ջանացին եղբօրն արհեստակիցները: Այդ տանը վեց սենեակ ունէինք մեր արամադրութեան տակ դահլիճով, որ օրիորդի բնակարանն էին կազմում:

Հայրս այլևս առաջուայ չափ տխուր և մելամաղձոտ չէր. այժմ նրա դէմքը փայլում էր ինչ որ արտասովոր և մելամղձոտ ուրախութեամբ: Նա նոյն իսկ հիւրեր էլ էր ընդունում, թէև ոչ որի չէր այցելում: Նա առանձին եղած ժամանակ դարձեալ կարգում էր գրեթէ միշտ



կրօնական գրքեր և մանկական պարզ ու մաքուր սրտով դիմում էր դէպի արդարութեան մաքրութիւնն ու երկնային խորհրդաւորութիւնը: Նա միշտ անհամբեր սպասում էր այն ժամին, երբ վերադառնում էի առհասարակ պաշտօնատնիցս և միասին մի մի բաժակ սուրճ ընդունելուց յետոյ գնում էինք քաղաքից դուրս թափառելու: Չատ անգամ յետ դառնալիս մտնում էինք Չիչլիի գերեզմանատունը, ուր թաղուած էր մի մեծ բռնջենու տակ օրիորդ Սահակեանի մարմինը, որի դամբարանը շքեղ էր ու պարփակուած վանդակապատի մէջ. ստանալով դրանապանից վանդակապատի բանալին ներս էինք մտնում հայր ու որդի և միասին ծոնկ չորած աղօթում էինք մի քանի վայրկեան, յետոյ վարձատրում էինք դռնապանին ու հեռանում հոգեկան զգալի յափշտակութեան մէջ: Գրանից յետոյ հայրս այլևս չէր խօսում, այլ ամբողջ երեկոն ընկնում էր մտատանջութեան և միտախրականութեան մէջ: Մենք մեր գիւղը շրջապատող սուրբերի ծնունդն էինք և Մխիթարեան հայրերի բարեկրօն աշակերտները: Երբեմն էլ ի նկատի ունենալով հօրս դրութիւնը նրան ստիպում էի գերեզմանատնից հեռանալուց յետոյ գնալ մի այգի, ուր սուրճ էինք ընդունում առհասարակ մի խուլ ծառուղիում նստած: Այդ ժամանակ հայրս իրեն աւելի լաւ էր զգում, բայց նա չէր

համաձայնում յաճախ գնալ այգի:

Ութը տարուց ի վեր հասկանում էի արդէն, որ հօրս և օր. Սահակեանի միջև ինչ որ բան է տեղի ունեցել, որով երկուսն էլ դժբաղդացել էին, բայց թէ ինչ, այդ չէի կարողանում բացատրել, դուք է մի դրամատիրական սիրահարութիւն կամ մի սարսափելի պատմութիւն, որովհետև ֆրանսիական բուլվարային վէպերում միշտ այդպիսի խորհրդաւոր դէմքերի էի հանդիպում, որոնք բոլորն էլ այլ և այլ սարսափելի դիպուածների կամ անգութ թշնամիների սարքած որոգայթների հետեանքն էին. բայց և զարմանում էի, թէ ինչպէս կարող են իմ հասարակ հայրս և հասարակ աղջիկ օր. Սահակեանը վիպական հերոսներ դառնալ: Եւ սպասում էի մի առթի, որ կարողանամ բացատրութիւն խնդրել հօրիցս իւր և նրա յարաբերութիւնների մասին, որովհետև չէի համարձակւում հօրս անհանգստացնել կամ յուզել անտեղի տխուր բաներ յիշեցնելով նրան:

Մի օր սակայն չկարողանալով հետաքրքրութիւնս լռեցնել խօսք բաց արի դրա մասին հօրս մօտ: Այդ օրը միասին այցելել էինք օրիորդի գերեզմանը և ըստ սովորականին միասին աղօթել էինք բառորդ ժամի չափ: Նրա դէմքը սովորականից պայծառ էր, ինչպէս լինում էր միշտ, երբ այգուց էինք վերադառնում:



Նա իմ հարցման առարկայի մասին այսպէս խօսեց:

—Քսան տարի է անցել այն օրից, երբ առաջին անգամ ծանօթացայ Աշխէն Սահակեանի հետ Թով-Քափուի իրենց սեպհական ամարանոցում և ահա ինչպէս: Մօրդ մահից յետոյ անցել էր վեց տարի. հս շատ հեռու էի քեզանից և եօթը տարուց ի վեր պանդխտութեան մէջ էի: Ես նոյն իսկ քո ծնունդը չէի տեսել. գիւղից հեռացել էի արդէն երեք ամսից ի վեր, երբ նամակ ստացայ, որ դու ծնունդ ես, բայց ոչ մի կերպ չէի կարող գիւղ գալ քեզ տեսնելու և մօրդ դերեզմանն օրհնել տալու համար: Մեծ հայրդ գործերը խառնակ գրութեան մէջ յանձնեց ինձ և ինքը հեռացաւ Պոլսից: Նա ուզեցել էր իւր այրի բրոջը ժառանգութիւնից գրկել. այն ժամանակ մեղանում սովորութիւն չկար տան իրական անգամներին բացի բաժինքից ուրիշ բաներ էլ տալ մարդու գնալիս, բայց որովհետև նա մեծացել էր Պոլսում, դրա համար չէր կարողանում հաշտուել այն մտքի հետ, թէ ինքը պիտի գրկուի ժառանգութիւնից միմիայն նրա համար, որ կին է, և ամուսնացաւ մի թուրք բէյի հետ ու սկսեց դատավարել հօրս հետ ժառանգութիւն ստանալու համար: Երկու կողմն էլ առհասարակ զօրաւոր լինելով, գործը շատ դանդաղ էր

առաջ գնում, և անվերջ պատշաճութիւններով և ձեակերպութիւններով օրից օր ինձ տկարացնում էր ֆիզիքապէս: Մինչև այն աստիճան ինձ վրայ ազդեց այդ գործի տևողութիւնը, որ բժ. Խորասանճեանն ինձ խորհուրդ տուեց մի առ ժամանակ խաղաղ և անյուզում կեանք վարել, եթէ իսկապէս ուզում էի ապրել: Յետոյ նա ինձ յանձնարարեց բժ. Սահակեանին, որոնց Թով-Քափուի ամարանոցում պիտի անցկացնէի օրերս: Մի կիրակի օր բժշկի հետ գնացինք այնտեղ, ուր ապրում էր նա իւր քրոջ հետ առանձին. այս վերջինն էլ խոստացաւ ինձ ամեն բանով օգտակար լինել: Այն ժամանակ բժիշկը հարիւրապետ էր և ծառայում էր Բաբը-Սէրասկէրիէում. նա հազիւ 32—33 տարեկան կը լինէր: Ես 37 տարեկան էի, իսկ Աշխէնը, բժշկի քոյրը, 28 տարեկան: Նրանց տանն ըսկսեցի ապրել. երկուսի կողմից էլ կատարեալ հոգածու խնամք վայելելով, այնպէս որ չէի գտնում օտարի տանը լինելու: Բժիշկը շաբաթուայ մէջ հինգ օր տանը չէր լինում. ես ու Աշխէնն առանձին էինք. ամեն դիւրութիւններ ունէինք իրար սիրելու, բայց ես նրա վրայ նայում էի ինչպէս քրոջ վրայ և ցաւում էի, որ այդ հասակում դեռ չի ամուսնացել: Նա տեսնողի վրայ թարմ, մաքուր և բարոյական կնոջ տպաւորութիւն էր թողնում, իսկ քաղցր ու



մեկամաղձոտ հայացքն արտայայտում էր սիրող և խաբուած հոգու բոլոր տանջանքները:

«—Ինչո՞ւ այս հասակում չէ ամուսնացած Աշխէնը,—մտածում էի շատ անգամ,—քանի նա ունի գեղեցկութիւն, դրամօթիտ և բաւականաչափ զարգացում, ինչ որ պոլսեցի փեսացուների համար շատ նախանձելի պիտի անէին իրեն,—և չէի կարողանում այս հարցի պատասխանը գտնել, թէ և ի դուր պատճառներ էի որոնում: Մի քանի անգամ բժշկի հետ առանձին եղած ժամանակս հարցրել էի նրան, թէ ինչո՞ւ քրոջը մարդու չի տալիս, և նա պատասխանել էր ինձ, իբր թէ 28 տարեկան Աշխէնը դեռ ջահել է և արժանաւոր ոչ մի փեսացու դեռ չի խնդրել նրա ձեռք: Աւելին չէի կարողանում հարցնել մտածելով որ իրաւունք չունիմ նրանց ընտանիքի գաղտնիքն իմանալու, և շարունակում էի կազդուրուել նրանց խնամքների շնորհիւ: Օրէցօր Աշխէնն աւելի խնամքով էր վարւում ինձ հետ, և զգում էի, որ այդ քանը նրան հաճոյք է պատճառում, զուցէ նա զգում էր արդէն, թէ որքանխորապէս զգացւում եմ ես այդ խնամքներից: Մի քանի անգամ ձեռքը սեղմելով երեխայի նման լաց եմ եղել և ասել. «Ձատ բարի ես, Աշխէն...»: Նա ժպտալով պատասխանել էր միշտ.—«Ուզում եմ, որ օտար երկրում չզգաս ընտանիքի

և մօր հեռաւորութիւնը...»: Այժմ, երբ յիշում եմ այդ խօսքերն ու նրա ժպիտը, չեմ կարողանում երախտազիտութեան արտասուքս զըսպել:

Հայրս լուեց, հանեց գրպանից թաշկինակը և աչքերը սրբեց, որոնք յիբաւի լցուել էին արտասուքով: Ես էլ զզացուեցի: Բուպէական լուսթիւնից յետոյ շարունակեց նա.

—Երեք ամիս էր արդէն, որ ապրում էի Սահակեանենց տանը, և մեր օրերը միշտ միակերպ էին անցկենում: Ինչպէս ասացի, բժիշկը շաբաթը միայն երկու անգամ էր գալիս քաղաքից մեզ մօտ, և հիւրեր չէինք ընդունում, այնպէս որ գրեթէ միշտ մենակ էինք ես ու Աշխէնը հեռու արուարձանում, ծաւերով շըրջապատուած տաղաւարում: Աշխէնն ամեն օր ինձանից վաղ էր վեր կենում անկողնից և ազախնին ուղարկում էր ինձ զարթեցնել: Լուացուելուց յետոյ մտնում էի ճաշաբահի տերբասը, ուր մարմարածածկ ընկուզենու սեղանի վրայ կաթ ու սուրճ բաժակների մէջ ամած ինձ էր սպասում նա: Ժպտալով բարևում էինք միմեանց: Նախաճաշում էինք շատ թեթև, յետոյ ցած էինք գնում պարտէզ և մի ժամի չափ միասին խօսակցելով շրջապայում. յետոյ բարձրանում էինք վերև ու քաշւում նախասենեակը, ուր ես կարգում էի, իսկ նա զբաղւում էր ձեռագործով: Ժամը 12-ին ճաշում էինք,



յետոյ քնում էի ես մինչև նախընթրիքի ժամը, իսկ նա շարունակում էր կարել, անվերջ կարել: Ստանալով նախընթրիքի ժամանակ մի-մի բաժակ սուրճ և մի քիչ թխուածք, գնում էինք լուռ այգիներում թափառելու մինչև կէս գիշեր, ապա վերադառնում էինք տուն, ընթրում և քնում իսկոյն:

«Մի օր տուն մտնելով բարձրացանք ճաշարահ և շարունակում էինք ման գալիս մեր սկսած խօսակցութիւնը, որը, որքան յիշում եմ, առաւօտեան կարդացածս գրքի մասին էր: Ան զգալի կերպով վերջացաւ ընթրիքը, որովհետև մենք դեռ շարունակում էինք խօսել: Յանկարծ լռեցինք երկուսս էլ և ընկանք ծանր և տխուր մտքերի մէջ: Մի բանի ըստէ լռելուց յետոյ ասացի.—«Աշխէն, քնելու ժամանակ է»: Նա ոչինչ չպատասխանեց: Ես բարձրացայ ու դիմեցի դէպի ննջասենեակս տանող դուռը:

«—Կաց, սըր ես գնում,—ասաց նա ինքն էլ ոտի կանգնելով:

«Յետ դառայ, մի քանի քայլ մօտեցայ իրեն և կանգնեցի:

«—Ինձ ասելիք ունիս:

«—Ո՛չ... Գնա՛ քնիր... Ուրիշ անգամ...

«Նա անհանգիստ էր, գուշակում էի որ մի բան նրան յուզում էր, դրա համար մօտեցայ նրան և ձեռք բռնելով ասացի:

«—Աշխէն, ինչ որ ուզում ես, ասա՛, քեզ լսելու պատրաստ եմ, և ինչ որ հրամայես, կը կատարեմ:

«—Ոչինչ չունեմ ասելու, գնա՛, հանգստացիր, արդէն շատ ուշ է, իսկ դու պարտաւոր ես հոգալ քո բժշկութեան մասին:

«—Խաբում ես ինձ, Աշխէն:

«—Խաբում եմ քեզ,—հարցրեց նա հեղնական ծիծաղով:—Խաբում եմ... Ո՛չ... Դու այդ չես նկատել. քեզ խաբում եմ սկսած այն օրից, երբ սկսեցինք իրար հետ «դու»-ով խօսել, այսօր ճիշտ քսանհինգ օր է,—աւելացրեց նա յանդիմանական և միանգամայն աղերսալի ձայնով. կարծես յանցաւոր էի, որ ինձ խաբելը չէի զգացել:

«—Ի՞նչպէս կարող էի իմանալ, որ ինձ խաբում ես, քանի որ քեզ այնքան հաւատում եմ:

«—Դու... զգացում չունիս...

«Գլուխը կախ գցեց յանկարծ ու հեռացաւ ինձանից:

«Ի հարկէ հասկանալի է քեզ, զուտակս, թէ որքան դարմացայ և յանցաւոր զգացի ես ինձ: «Ի՛նչ էի արել նրան, ի՛նչ բանով էի վշտացրել և ի՛նչ պէտք էր անել նրա «սիրտը առնելու» համար»—մտածեցի ես իսկոյն, մինչ-դեռ նա արդէն հեռացել էր սենեակից:



«Այդ գիշեր շատ անհանդիստ անցրի: Առաւօտեան ուշ զարթնեցի և երբ մտայ ճաշարան, այնտեղ ոչ որ չկար: Նախաճաշը պատուիրեցի ազախնին և ըստ սովորականին ամենօրեայ պտոյտն անելու փոխարէն մտայ նախասննեակն ու սկոեցի կարգալ: Մինչև կէս օր Աշխէնը չերևաց, ճաշի ժամանակ միայն տեսայ նրան, հետո չխօսեց նոյն իսկ: Յետոյ դարձեալ հեռացաւ տնից և գնաց այգի: Անցան մի քանի օրեր, բժիշկը եկաւ և մեր միջից սառնութիւնը վերացրեց ըստ երևոյթին, թէև այդ սառնութիւնն զգալի էր մեզ իւրաքանչիւր բոպէ, որը բժիշկը չնկատեց սակայն: Մօտ ութ օր անցել էր այդ օրից, երբ առիթ ունեցայ Աշխէնի հետ խօսել և հարցնել իւր տխրութեան և սառնութեան պատճառը: Նրանից առաջ նա միշտ խուսափում էր ինձանից:

«—Աշխէն,—ասացի նրան ճաշից յետոյ, երբ նա գնաց դահլիճ և ես հետևեցի նրան,—մի քանի օր է, որ բոլորովին փոխուել ես, հիւանդ ես արդեօք, ինչ ունիս:

«—Ոչինչ,—ասաց այնպիսի տոնով, որ նշանակում էր նաև «բեզ ինչ»:

«—Ի՞նչպէս թէ ոչինչ, չէ՞ որ այդ ցաւ է պատճառում է ինձ:

«—Ցաւ է պատճառում ձեզ իմ տխրութիւնը, և դուք պատճառը չգիտէք հը՛մ,—և

ժպտաց:

«—Ո՞րտեղից կարող եմ իմանալ, եթէ դու չես յայտնիլ:

—Եւ սպասում էք, որ պիտի յայտնեմ ձեզ, որ ծիծաղելի դառնամ ձեզ մօտ... Ո՛չ, ո՛չ, ի դուր մի փորձէք ինձ խոստովանեցնել... Ես չեմ ասիլ, թէ ինչն է եմ տխուր... Բայց տանջում եմ, տանջում եմ...

«—Չեմ հասկանում քեզ:

«—Չես հասկանում, հա... չես հասկանում, իսկ ես... քեզ սիրում եմ...

«Չանթահարուած զգացի ինձ:

«—Սիրում ես ինձ և ինչն է, ինչ զգացում է այդ:

«—Դա մի այնպիսի զգացում է, որ ահա երկրորդ անգամն է թունաւորում իմ արիւնը և դանդաղ ու հեշտալի ցաւ յառաջացնում իմ սրտում: Բայց ձեզ ի՞նչ պէտք է հասկանալ այդ գնացէ՛ք ձեր սենեակը և հանդատացէ՛ք... Դուք հիւանդ էք, դուք պարտաւոր էք ձեր մասին միայն հոգալ, իսկ ես... ինչ որ ուզում եմ, կըլլինեմ...

«—Աշխէ՛ն...

«Մի քանի բոպէ չկարողացայ ոչինչ խօսել, մինչդեռ նա լալիս էր, բայց չուտ սառնարիւնութիւնս գտայ և մօտենալով նրան, բռնեցի ձեռիցը թոյլ տուեց, որ իրեն նստեց-



նեմ գիւանի վրայ, և իւր մօտ նստեցի:

«—Աշխէն, անկեղծ ասա՛, իսկապէս սիսիրսմ ես ինձ:

«Կանացի նուրբ, յանդիմանիչ և քաղցր ակնարկը յառելով վրաս ժպտաց ու ասաց.

«—Կասկածսմ ես...

«—Ո՛չ, չեմ կարողանում, այլ զարմանում եմ: Քո զգացումն ինձ օտարօտի է թւում: Զէ՛, որ մենք շատ հեռի ենք: Եթէ լինէի պոսեցի, եթէ իմանայի անգլիերէն, թուրքերէն և ֆրանսերէն ազատ խօսել, եթէ եղած լինէի Պարիզում, եթէ ունենայի աչքի քնկնող հարստութիւն և, որ գլխաւորն է, եթէ երբէք ամուսնացած չլինէի, այն ժամանակ ես կըլլնէի նախանձեղի և արժանի փեսացու քեզ համար, և դու կարող կըլինէիր ինձ սիրել ու ինձ բաղդաւորեցնել: Մինչդեռ այժմ բոլորովին ուրիշ բան է: Գիւղացի մի մարդ եմ, որ Մխիթարեան հայրերի մօտ սովորեցայ միմիայն հայերէն ու ֆրանսերէն կարդալ ու ազօթք անել միշտ. չգիտեմ մայրաքաղաքի քաղաքավարական ձեւակերպութիւնները, և իմ զգացումներն այնքան կոպիտ են, որ չեն կարող քեզ նման քնքոյշ աղջկայ զգացումների հետ համերաշխուել, այլ միայն քեզ գուցէ զգուանք ազդեն, իսկ, որ գլխաւորն է, ունեմ մի բանի հազարների մի շնչին գումար, որ դատարանի քմա-

հաճոյքին է յանձնուած: Ունեմ վերջապէս ծնողներ, զաւակ և եղբայրներ, առանց որոնց ես չեմ կարող ոչինչ անել: Այս հագած, շորերը մի բանի բառեր սովորած և ունեցած համբաւիս մասին մի մտածիլ լաւատեսի նման. ես միշտ նոյն գիւղացին եմ և չեմ կարող մեր պապե-նական աւանդածները մոռանալ: Մինչդեռ դու ջահել, գեղեցիկ, զարգացած և հարուստ ես, այդ բարեմասնութիւններով կարող ես աշխարհի ամենաերջանիկ կանանցից մին գառնալ, քեզ արժանի փեսացու ունենալ, իսկ ես արժանիներից չեմ: Մտածիր նաև, որ եղբայրդ մեծ գեր է խաղում բո ամուսնական գործի մէջ, և վստահ եմ, որ նա չի կարող թոյլ տալ, որ իւր քոյրը թողնէ Պոլիսը և գնայ ապրի Սըվազի գիւղերից մէկում:

«—Բայց ես այդ ուզում եմ, և ոչ ոք իբաւունք չունի ինձ խոչընդոտ լինելու բացի քեզանից...

«—Բայց չէ՞ որ մեր կեանքի պայմաններն իրար հակասում են:

«—Զեն հակասում, երբէք: Ես քեզ սիրում եմ, ահա ամեն բան: Ասում ես, որ դու աղքատ ես, իսկ ես հարուստ. բայց չէ՞ որ վաղուց եմ զգացել, որ փողը մարդուն երջանակութիւն չի տալիս: Նխթական պէտքերի հետ մարդ պէտք է և բարոյական ու ֆիզիքական



պահանջներին բաւականութիւն այտ: Մարդկանց չեմ հաւատում այլ ես, որովհետև չարաչար խաբուեցի նրանցից, և նրանց մէջ միայն ընդ գտայ, որին կարելի է հաւատք ընծայել, և սիրեցի ընդ, որովհետև ընդանում տեսայ կեանքի վրայ գիտակցական աչքով նայող մի բարոյականութիւն: Իրաւ է, չես կարողանում խօսել մի բանի լեզուներով, բայց դու աւելի կրթուած ես մեր բոլոր օտարախօս երիտասարդներից, և որ գլխաւորն է, դու բարի սիրտ և ճշմարիտ սէր ունես ամեն բանում և ամեն ժամանակ: Ասում ես, որ չափահաս ես արդէն. չէ որ միայն տասը տարով ես ինձանից մեծ և պահել ես ընտանեկան բարոյականութեան մէջ քո ֆիզիքական և հոգեկան ուժերդ: Ես սիրեցի ընդ, ես երագեցի քո կինը դառնալ, որովհետև դու ինձ արժանի ամուսին կըլինես:

«—Ծնողներ, զաւակ և եղբայրներ ունեմ:

«—Կըլինեմ ծնողներդ աղջիկը, զաւակիդ մայրը և եղբայրներիդ քոյրը. նրանց բոլորին կըսիրեմ, հաւատած, այո, հաւատած, որ բոլորին կըսիրեմ, միայն դու սիրիր ինձ, և ես երջանիկ կըլինեմ: Խօսիր, սիրում ես ինձ... մի կեղծիլ զգացումներդ... Լաց ես լինում... ուրեմն ճշմարիտ է, որ սիրում ես ինձ, ասած, ասած...»

«—Աշխէն...

«Նա բռնեց ձեռքս, սրտին սեղմեց, յետոյ դուրին ուսիս վրայ դնելով սկսեց լաց լինել:

«—Անգութ... անզգայ...»

«Չփոթուել էի, չէի իմանում ինչ պատասխանեմ: Հաւատած, զաւակս, որ մինչև այդ օրը ես նրան սիրել էի իբրև քոյրս. նա ինձ համար հրեշտակ էր և նրան ցանկանալ սրբապղծութիւն էի համարում, նախ որոհեա ես նրանց տանն էի ապրում, և քոյր ու եղբայր անկեղծ խնամում էին ինձ, երկրորդ, որովհետև սիրել էի մօրդ, պաշտում էի նրա յիշատակը և նրան հանդերձեալ աշխարհում տեսնելու յոյսս ինձ չէր թոյլ տալիս օտար կանանց մասին մտածել: Իրա համար և չփորձեցի ամուսնանալ երկրորդ անգամ: Եւ յիրաւի, նրա մահից յետոյ ամուսնանալ նշանակում էր պղծել նրա յիշատակը, որ տասներկու տարի շարունակ բաժանեց ինձ հետ իմ կրած բոլոր դառնութիւններն ու ուրախութիւնները, նա ծնաւ և իմ զաւակը: Այրիութեանս երկար ժամանակամիջոցին ես զգում էի, որ երկրորդ ամուսնութիւնն ինձ համար գոյութիւն պիտի լինէր, որովհետև չպիտի կարողանայի երկրորդ կնոջս էլ այնպէս սիրել, ինչպէս սիրել էի մօրդ, և ի հարկէ իրաւունք էլ չպիտի ունենայի նրանից սէր պահանջելու: Այո, այդ զգում



էի և դրա համար հէնց մերժեցի շատ կանանց, նոյն իսկ օրիորդների, որոնք ինձ խոստովանեցան, թէ սիրում են ինձ: Բայց Աշխէնին մերժել չէի կարող. զգում էի, որ նրան սիրում եմ, իրաւ է թէ ես ինձ նոյն իսկ չէի ուզում խոստովանել այդ, բայց նրա խոստովանութիւնն արեց այն, ինչ որ վաղուց սպասում էի, որ պիտի լինի: Զգացի, որ նրանից հեռու չեմ կարող ապրել, բայց... Ի՞նչ պէտք էր անել... Ընդունել նրա սէրը չէի կարող, մերժել—գարձեալ ո՛չ: Եւ մտածում էի, տանջւում էի, իսկ նա կրկնում էր.

«—Անգութ... անզգայ...

—Աշխէն, լսիր ինձ,—ասացի վերջապէս...

«—Ինձ մի խանգարիլ, ոչինչ չեմ ուզում լսել... Դժբաղդ եմ, դժբաղդ...

«Այլ ևս չէի կարող դիմանալ: Ծռեցայ և համբուրեցի նրա մազերը: Նա ցնցուեց, վերկացաւ և աչքերն արտասուալից ու ժպտալով ասաց ինձ.

«—Դու շատ բարի ես, ես զգում էի, որ ինձ սիրում ես: Ընորհակալ եմ:

«Եւ գիրկս ընկնելով կրկին ու կրկին համբուրում էր ինձ:

Դ.

—Կարծեմ աւելորդ է ասել, որ Աշխէնն ուրախ էր,—չարունակեց հայրս բոլորովին յու-

զուած.—Նա այնքան ուրախ էր, որ չեմ կարող բացատրել, բայց եթէ ուզում ես այդ հասկանալ, նայիր երեսիս և տես որքան դժգոյն և և յուզուած եմ ես:

Պատմելիս նրա ձայնը զողզողում էր և նա ցնցւում էր յուզումից, այնպէս որ խնդրեցի նրան իւր պատմութեան շարունակութիւնը երկրորդ օրուայ թողնել, վախենալով որ յուզումը կարող է նրան վնասել:

—Ոչ, զուակս, կրպատմեմ քեզ ամեն բան. պատմելիս ես ինձ թեթևացած եմ զգում:

Եւ առարկութիւններիս ուշ չգարձնելով այսպէս շարունակեց նա.

—Որոշեցինք եղբօրը յայտնել մեր սէրը և նրա հաւանութիւնը ստանալ: Վերոյիշեալ բացատրութիւնից երկու օր յետոյ բժիշկը եկաւ: Առհասարակ ջանում էի նրան քիչ երևալ, գողի նման թաղնւում էի մեհնութեան և լուսութեան մէջ անհուն դողով: Տասնհինգամեայ դպրոցականից աւելի անմեղ էի: Քրոջը համբուրելու և մեր երկու օրուայ սիրահարութեան մասին լսելով ինչ պիտի ասէր նա: Միթէ իրաւունք չունէր երեսիս թքել ու ծառաների ձեռքով գուրս անել ինձ այն անից, ուր գտածս անկեղծ հոգածութեան փոխարէն կատարեցի զգուշի մի գործ: Անգունդի վրայ կախուած էի զգում ինձ և երկու ձեռքով պինդ բռնած



էի երկու բարակ ոստեր, որոնցից մին Աշխէն էր, իսկ միւսն եղբօր սէրը դէպի նա. զրանք շատ տկար էին յանցանքիս ծանրութիւնը կրելու համար:

«Արտագոյս ի գուր էր: Ճաշի ժամանակ յայտնուեց, որ բժիշկը փոխ հազարապետի ատիճանով ուղարկուում է Եմէն: Նա շատ էր ցաւում, որ ինձանից պիտի բաժանուի, որովհետեւ նա ինձանում գտել էր արժանաւոր յատկութիւններ. բայց և յոյս ունի, որ շուտ կը վերադառնայ, էլի իրար բարեկամներ կը լինինք: Ինչ երկարացնեմ. նա շատ սիրով վարուեց ինձ հետ: Երեք ժամի շափ խօսում էինք, բայց նա ոչ մի ակնարկութիւն չարեց քրոջ և իմ սիրոյ մասին: Աշխէնը երևի ոչինչ չէր ասել նրան և ես չափազանց ուրախացայ զրա համար, որովհետեւ բժշկի մեկնելով ես էլ կը հեռանայի քրոջիցը, և այս հեռաւորութիւնը մեր անխոհեմ սիրուն վերջ կըտար:

«Ժամը վեցին բժիշկը ոտի կանգնելով ասաց.

«— Ես գնամ. ուշանում եմ:

«Մենք մեր ամբողջ խօսակցութեան ժամանակ շատ էինք խնդրել, որ գէթ այդ գիշերը մեզ մօտ անցկացնի, բայց ի գուր. նա ստիպուած էր տեսնել փոխ հրամանատարին երկրորդ օրուայ ճանապարհածախս,

օրդեր և հրահանգներ ստանալու համար: Հրամանն անսպասելի կերպով էր յայտնուած իրեն, և մենք միայն շոգեհաւում պիտի կարողանայինք մի քանի բոլէ խօսել իրար հետ և հրաժեշտ տալ միմեանց:

«Վերկացանք, անցանք հիւրասենեակի միջով և նախադաւթի սանդուղներէց սկսեցինք ցած իջնել: Գռան մօտ սպասաւորը բժշկին յանձնեց իւր վերարկուն և դուրս եկանք: Տնից մինչև տրամվէյի կայարանը քաշեց կէս ժամ. այստեղ նրանց թողեցի պարսպի դռան առաջ և գնացի մի կառք վարձելու: Եօթը ժամին հազիւ կարողացայ քոյր ու եղբօր իրարից բաժանել: Աշխէնը լաց էր լինում, և բժիշկը չափազանց յուզուած էր:

«— Արդէն ուշանում էք, Լևոն էֆէնդի, լաւ չէ փաշային սպասեցնել, շտապեցէք:

«Վերջին անգամ քրոջը համբուրելով նա կառք բարձրացաւ և բռնեց իմ ձեռքն ու պինդ սեղմելով ասաց, մինչդեռ Աշխէնը հարևան պատի տակ քաշուած թաշկինակը չէր հեռացնում աչքերից.

«Տեսնում էք քրոջս, պ. Սէլվեան. մեկնելով Գոլսից նրան անոք և անմխիթար եմ թողնում. նա մենակ է, խնդրում եմ ձեզ նրա մօտ մնաք մինչև կըվերադառնամ Եմէնից: Գիտեմ թէ որքան ծանր է ձեզ յանձնածս պաշտօնը,



բայց վստահ եմ, որ յաջող կրկատարէք իմ խընդիրը, որովհետև ընտանիքի հայր եղած էք արդէն:

«Առանց ոչինչ պատասխանելու գետինն էի նայում: Կառքը դանդաղ սկսեց առաջ գնալ, բժշկի ձեռքից բռնած ես էլ մի քանի քայլ արի: Նա վերջին անգամ մտերմաբար սեղմեց ձեռս և կառքը սրարչաւ հեռացաւ:

«Մի քանի վայրկեան չկարողացայ հասկանալ, թէ ի՞նչ պատահեց ինձ, բայց շուտ դիտակցութիւնս իւր բոլոր ծանրութեամբ սկսեց ճնշել ինձ: Ծրագրներս փշացան: Բժշկի մեկնելը փոխանակ Աշխէնից հեռանալու նրան աւելի մօտենալու առիթ տուեց ինձ: Նա վստահաբար ինձ յանձնեց քրոջ խնամակալութիւնը, մինչդեռ ես ուզում էի հեռանալ նրանից, մոռանալ նրան. «Իժուար է,— մտածում էի ես. դժուար է այստեղ մնալ, առանց բժշկի վստահութիւնն ի շարը գործ դնելու: Նա իբրև քոյր յանձնեց ինձ Աշխէնին, որ երկու օրից ի վեր իմ սիրականն է»:

«Մի կառք Քիլիսա փողոցից դարձաւ Գիւան-Շօլու փողոցը: Մտածեցի իսկոյն այդ կառքը նետուել և Մտամբոլ գնալ: Մի քանի քայլ արի դէպի կառքը, բայց նա արդէն մօտակայ փողոցը մտաւ և մի քանի բոպէ յետոյ նրա անիւների հանած աղմուկն էր միայն լսում:

Անդգալաբար մօտենում էի Աշխէնին, որ պատի տակ կանգնած աւելի եռանդով էր լաց լինում. գուցէ նա հասկացել էր իմ դիտաւորութիւնը: Նրան տեսնելով այդ վիճակի մէջ մոռացայ ամեն բան և դիմեցի նրան մխիթարելու: Ինձ տեսնելուն պէս մի բան կորցնողի ահով և տխուր ժպիտը չբլթներին ձեռքն ինձ երկարացրեց. բռնեցի և սեղմեցի հասկացնելու համար, որ այդ դրութեան մէջ առանձին չէ ինքը, և առանց խօսելու դուրս եկանք պարսպի դռներից և թուրքաց երկու գերեզմանատներն իրարից բաժանող սղոցտայով սկսեցինք դէպի տուն յառաջանալ: Մեր մէջ տիրող լուսութիւնը մեզ ճնշում էր և մենք գոգում էինք յուզումից ու երկիրդից յառաջանալով շոճիւների երկար և մութ ստուերների տակից: Լուսինը մերթ թաղնում էր բարակ շղարչեայ ամպերի ետև, մերթ բարձրանում էր շտապ, կարծես իրեն բռնողների ձեռքից փախչել շտապելու ճիգով: Մենք իրար մօտ ձեռք ձեռքի տուած քայլում էինք, երբեմն անդգալաբար իրար ձեռք սեղմելով իրար հպորդում էինք մեր գոյն ու յուզումը: Ինչ վիճակի մէջ էի—չգիտեմ. չգիտեմ նաև, թէ նա ի՞նչ վիճակի մէջ էր, բայց զգում էի սարսուցուցիչ ջերմութիւն, գուլ և սուր խայթոց, հակասական զգացումներ:

«Կէս ժամից հազիւ տուն հասանք: Նոյն



լուծեամբ բարձրացանք նախասենեակը, ուր  
նա ընկաւ մի աթոռի վրայ, իսկ ես կանգնած  
մնացի: Բոպէական լուծիւնից յետոյ նա վախ-  
կոտ մօտեցաւ ինձ և ձեռքս բռնելով,

«Նա դնաց, բայց դու ինձ առանձին չես  
թողնիլ, այնպէս չէ,—ասաց:

«—Երբէք, սիրելիս, երբէք:

«Նրա խօսքերի շեշտը, նրա տար ու վախ-  
կոտ շարժումները, նրա տխրութիւնն և կա-  
նացի էակի մերձաւորութիւնն ինձ ստիպեցին  
այդ բռներն ասել, որ յաւիտենապէս դժբաղ-  
դացրին մեզ:

«—Քեզ հետ երջանիկ կըլինեմ,—ասաց  
նա և բոպէական լուծիւնից յետոյ աւելա-  
ցրեց.—քեզ սիրում եմ խենթի նման:

Համբոյրներով նրան առաջնորդեցի իւր  
սենեակը և դուրս եկայ: Դռան յետևից լսեցի,  
որ նա լալիս է, բայց թէ ինչու—այդ չիմա-  
ցայ. չիմացայ և մինչև այսօր, թէև այդ լացն  
ինձ խայթեց»:

**Ե.**

—Քեզ պատմել, թէ ինչպէս անցկացրինք  
ամառուայ վերջին ամիսը, անկարելի է: Իւրա-  
քանչիւր օր նորանոր յուզումներ էր բերում  
մեզ, և մենք մեր սիրոյ յափշտակութեան ըո-

պէին մեզ զգում էինք երջանիկներից երջան-  
կագոյնը: Հետզհետէ ես աւելի ու աւելի էի  
համակրում Աշխէնին և հետզհետէ աւելի ու ա-  
ւելի տանջւում, այնպէս որ հակառակ ամենօ-  
րեայ վայելածս խնամքներին, դեռ բոլորովին  
չկազդուրւած, դարձեալ հիւանդացայ: Նա պա-  
հապան հրեշտակի պէս երկու շաբաթ շարու-  
նակ անքուն հսկեց ինձ վրայ ամբողջ գիշեր-  
ներ: Երբ առողջացայ, տօթն սկսել էր նուազել,  
և բոլորն ամառանոցներից թափւում էին քա-  
ղաք: Մենք էլ փոխադրուեցինք այս տունը,  
ուր Աշխէնը իւր ընակարանն ինձ հետ կիսեց  
երեք սենեակ յատկացնելով ինձ. բայց ընակա-  
րանի և տեղի փոփոխութիւնն էլ չազդեց մեզ  
վրայ, և մենք շարունակեցինք սիրոյ և յուզու-  
մի կեանքը, ինչպէս սկսել էինք գիւղում: Թէև  
չորս ամսից ի վեր մեր կեանքը միօրինակ էր,  
բայց ամեն օր կարծես նոր յուզումներ և նոր  
զգացումներ մեզ աւելի շատ մօտեցնում էին  
միմեանց, այնպէս որ այլևս չէինք քաշւում հա-  
սարակութեան միջ միշտ միասին երևալ ինչպէս  
նշանածներ և միասին դբօսնել Ձէֆակ-բահչէյի,  
Օսման-բէյի և Թէփէ-բաշիի կազինաներում: Մեզ  
չէր հետաքրքրում արտաքին աշխարհը, մեզ  
չբազապատող միջավայրը. մենք չէինք ուզում  
մտածել, թէ ինչ են խօսում մեր մասին, նոյն  
իսկ ես չէի հետաքրքրւում մեր դատական գոր-



ծերով, որ յանձնել էի հօրեղբօրդ, որը գալիս էր ամեն օր ինձ հետ խորհրդակցելու և միշտ հեռանում էր անիծելով այն հիւանդութիւնը, որ ինձանից ձեռք չէր վերցնում:

«Սիրոյ կեանքը իսկապէս գեղեցիկ և զուարճալի է, բայց գառն իրականութիւնն աւելի անողոք է: Մի օր ստիպուած եղայ Աշխէնից բաժանուել, որովհետև գործերը հեռոց հեռէ բարդուած էին, և հօրեղբայրդ իւր անփորձութեամբ սպառնում էր կորցնել գատը, եթէ սիրահարի թմրութիւնից զարթնելով օգնութեան չհասնէի նրան: Սկսեցի նախկին գործունէութիւնս և ժամանակաւոր խզուած յարաբերութիւններս շարունակել իմ հին աշխարհի հետ: Այդ ժամանակ իմացայ, որ ինձ և Աշխէնին բամբասում են և մեր յարաբերութիւնների մէջ մեղք են տեսնում: Թէև չկարողացայ հասկանալ, թէ մի այրի մարդ և մի կոյս աղջիկ ինչ մեղք կարող են գործել, բայց որոշեցի հեռանալ Աշխէնից: Սկզբում սկսեցի աւելի քիչ յաճախել, յետոյ բոլորովին չգնացի: Աշխէնը հակառակեց, լաց եղաւ, բայց ի զուր:

«—Սպասիր գէթ,—ասում էր նա,—մինչև որ եղբայրս գայ:

«Մինչդեռ ես հեռանալ էի ուզում օր առաջ մինչև եղբայրը կրգար, որը արդէն ճանապարհ էր ընկել Եմէնից և այցելելով բոլոր

Պարեստինի և Կիլիկիայի գօրանխատ քաղաքները գալիս է Պոլիս խոլերայի դէմ կռուելու համար իւր գտած միջոցները փորձելու:

«Մի քանի շաբաթ յետոյ, յիրաւի, մի ուրբաթօր, կարդացի պաշտօնական «Մարահ»-ում, որ բժ. Սահակեանն արդէն հասել է Պոլիս: Նրա գալը մեծ աղմուկ բարձրացրեց. լրագրողները գիւտի մասին երկար յօդուածներ էին գրում, առանց ի հարկէ հասկանալու թէ ինչ բանի մասին են գրում. փաշաներն ամեն օր հրաւիրում էին գիտնական բժշկին, վսեմապատիւ Լևոն բէյ Սահակեանին, իրենց մօտ և նրա պացիենտների ցուցակումն էին գրում:

«Ք նկատի ունենալով նրա խառնուած գրութիւնը, առաջիկայ կիրակին չուղեցի գնալ նրան բարի գալուստ մաղթելու և մի շաբաթի չափ յետաձգեցի այցելութիւնս:

«Անցաւ այդ շաբաթը, և ես գնացի նրանց մօտ:

«Ինքը բժիշկը տանը չէր: Սպասաւորն իմ գալու մասին իսկոյն յայտնեց Աշխէնին, որը մի բոպէ անց սանդուղներից ցած էր վազում. հասաւ ինձ, բռնեց ձեռքս և թեո մտնելով ինձ առաջնորդեց իւր սենեակը միշտ և անհամբեր կրկնելով.

«—Ո՛ւր էիր երեք շաբաթից ի վեր, քեզ էի սպասում. ամին բան աջող անցաւ:



«Եւ երբ մտանք իւր սենեակը, և ոչ որ չկար մեզ տեսնող, նա փաթաթուեց վզովս և սասց.

«—Սրանից յետոյ ես բռնն եմ, և գու իմը, համբուրիր ինձ, սիրելիս, համբուրիր, ինչպէս ես քեզ եմ համբուրում: Ի՞նչ ես մտիկ անում, ինչո՞ւ չես ուրախանում. միթէ չես իմանում, որ եղբայրս համաձայնուեց մեր միութեան:

«Եւ անյազ համբուրում էր ինձ:

«Իմացայ, բոլորն իմացայ: Ուրեմն Աշխէնն իմ կինը պիտի լինի. չէ՞ որ պարտաւոր եմ ամուսնանալ նրա հետ երգմանագրութ չլինելու համար, բայց գրանով երգմանագրութ պիտի լինէի քո մօր առաջ, որի պատկերը մի բոպէ իսկ չէր հեռանում յիշողութիւնիցս: Մինչև այդ օրը մտածում էի, որ բժիշկը չի համաձայնուիլ մի գաւառացու տալ իւր մի հատիկ քրոջը, և ես ազատուած կը լինեմ առ միշտ իմ երգումից, որ անխոհեմաբար և յուզուած գրութեան մէջ արեցի նրա մօտ. բայց ի դուր եմ այդպէս մտածել. սարսափելի իրականութիւնը պարզուեց, և գուցէ հազարերորդ անգամն էր, որ երկու ուրուանկաններ, երկու պատկերներ դարձեալ ցցուեցին առաջս և ստում էին ինձ «երգմանագրութ...»: Երկու պատկերներն էլ գեղեցիկ էին, երկուսն էլ բարկա-

ցած, բայց ներկայի պատկերն աւելի զօրեղ էր բողբոսում և աւելի ուժով էր ինձ քարշում դէպ իրեն, այնպէս որ վայրկենական շփոթութիւնից յետոյ չափազանց հաճութիւն պատճառեց ինձ Աշխէնի յայտնած ուրախ լուրը, թէև երկրորդի սպառնալիքը կծում էր սրտիս մի անկիւնը:

«Իսկ նա միամտութեամբ կրկին ու կրկին սեղմում էր ձեռքս:

«—Ուրեմն համաձայնուեց հմ:

«—Ուրիշ կերպ չէր կարող անել: Իբրև եղբայր նրա պարտաւորութիւնն է ինձ երջանկացնել, և ես միայն քեզ հետ երջանիկ կըլլեմ:

«—Միթէ դեռ սիրում ես ինձ:

«Նա մի յանդիմանական և տխուր հայացք ձգեց ինձ վրայ և յանկարծ աչքերը հեռացրեց իմ դէմքից ու խոնարհեցրեց ցած: Նա տխրեց, նոյն իսկ լաց եղաւ իւր սրտում, և այդ զգացի ես:

«—Աշխէն... վիրաւորուեցիր...

«—Ո՛հ, դու անգութ ես... դու ինձ տանջում ես. մինչդեռ ես քեզ այնքան եմ սիրում:

«Լուեց: Մի քանի քայլ հեռացաւ ինձանից և չարունակեց.

«—Այն, դու ինձ չես հաւատում, որ քեզ սիրում եմ խնթի նման, որ քեզ հետ կատա-



քելապէս երջանիկ կըլինեն, որ ըո որդուն կը սիրեմ հարազատի նման և ըո օջախի բոցը, պայծառ կարմիր բոցը կըհալեցնէ իմ ամբողջ էութիւնը ու կըձուլուի ձերայինների հետ:

«—Աշխէն... սպասեք մի քանի օր էլ... գուցէ ծնողներս ինձ չեն ներիլ այս մեղքս...»

«—Ոչ, նրանք չար չեն, նրանք քեզ սիրում են և ուզում են, որ երջանիկ լինես, և մենք երջանիկ կըլինինք, հաւատան, որ երջանիկ կըլինինք: Եղբայրս այսօր մեծ-վեղիրի մօտ է, շուտով նրա միջնորդութեամբ դուք կըստանաք ձեր իրաւունքը, այն ժամանակ դու կը վերցնես մի գումար, որը կաւելացնենք իմ դրամօժիտի վրայ և դրանով կապահովենք մեր գաւակների ապագան, իսկ մնացածը կը թողնես եղբայրներիդ:

«Ճաշի ժամանակ բժիշկը եկաւ, հակառակ սպասածիս նա շատ սիրով և յարգանքով ընդունեց ինձ և հէնց առաջին անգամից յայտնեց ինձ, որ չափազանց ուրախ է, որ Աշխէնն ինձ նման մի բարոյական մարդու արժանիքները կարողացել է գնահատել ու սիրել և որոշել է նրա կինը դառնալ: Ճաշից յետոյ մեր խօսակցութիւնը դարձեալ իմ և Աշխէնի սիրոյ մասին էր, և հակառակ իմ ջանքերին չկարողացայ փոխել խօսակցութիւնը: Աշխէնը մեր խօսակցութեանը չէր մասնակցում, այլ միայն

լսում էր մեզ. մերթ գունաթափում էր ուրախութիւնից, մերթ ամօթի մի կարմրութիւն պատում էր նրա դէմքը և նա տխրում էր, բայց յանկարծ էլի պայծառանում էր նրա հայեացքը, որով կարծես ուզում էր ինձ լափել: Իսկ ես տանջում էի:

«Նախընթրիքից յետոյ երեքով գնացինք ման գալու: Ուշ ժամանակ բաժանուեցի նրանցից և հեռացայ Պերայից խոստանալով որ յաճախ կը գնամ իրենց մօտ»:

2.

— Բաժանուելով նրանցից ես խոստացայ նրանց, որ երկու շաբաթ յետոյ մեր նշանդրէքի օրը կ'որոշենք: Ես վստահ էի, որ ծնողներս և եղբայրներս պիտի համաձայնեն մեզ հետ, որովհետև բազմը խոստանում էր մեզ ժպտիլ, և միթէ վսեմապատիւ Լևոն բէյ Սահակեանի խնամութիւնը մեր գերդաստանի հետ չէր ապահովում մեր ապագան: Եւ չսխալուեցի. հօբեղբայրդ հէնց այդ օրն իսկ համաձայնուեց ինձ հետ և խորհուրդ տուեց, որ երկրորդ օրն և եթ գրեմ գիւղը ծնողներին, և նոյն իսկ խոստացաւ, որ ինքն էլ իւր կողմից մի ուրիշ նամակով կընկարագրի մեր ամուսնութեան հետևանքը ծնողներին և նրանց կըհամոզի, որ



անպայման համաձայնուեն մեզ հետ: Եւ իրաւ, երկրորդ օրուայ սուրհանդակով մենք ուղարկեցինք երկու նամակ, իսկ ես երեկոյեան գնացի Պերա: Մեծ-փողոցում հանդիպեցի Սահակեաններին և բժշկի հետ դարձեալ խօսակցութիւն ունեցանք իմ և Աշխէնի ապագայի մասին: Ի միջի այլոց նա էլի կրկնեց, որ միայն ես կարող պիտի լինեմ երջանկացնել իւր քրոջը և նրա բնաւորութիւնը պիտի ձուլեմ իմինի հետ, որով երջանիկ կըլինի առհասարակ մի որ և է ընտանիք. իսկ ինչ վերաբերում է պոլսեցի երիտասարդներին, նա ասաց, որ նրանք փշացած են և չեն կարող առհասարակ մարուր և բարոյական ընտանիք կազմել: Աշխէնն էլ իւր կողմից դարձեալ աւելացրեց, որ ինքը վստահութեամբ ինձ է յանձնում իւր ապագան: Ի՞նչ երկարացնեմ, նախորդ օրուայ խօսքերը մի քանի անգամ դարձեալ կրկնուեցին: Օսման բէյի կազինօյում միասին մի շիշ գարեջուր լամբուլց յետոյ ես և Աշխէնը գնացինք տուն, և ուշ ժամանակ միայն հեռացայ նրա մօտից խոստանալով երկրորդ օրն էլի այցելել իրենց: Եւ այսպէս շարունակ մինչև նամակիս ստացուելը միշտ նրանց մօտ էի լինում: Աշխէնի հետ զբօսնում էինք ամեն երեկոյ Պերայի այս և այն այգիներում, ընդունում էինք սրա-նրա կասկածամիտ բարևները և կատարեալ երջա-

նիկ մարդկանց նման ժպտում էինք բոլորին: Մէրը մարդկանց երեխայացնում է, և գուցէ հէնց նրանումն է նրա կենսունակ գօրութիւնը: Միշտ մեր խօսակցութիւնը դառնում էր մեր ապագայի շուրջը: Նա անընդհատ շաղակրատում էր, թէ ինչպէս պիտի սիրի քեզ, իմ որդուն, ինչպէս պիտի կրթէ նրան և որքան երջանիկ պիտի զգայ ինքն իրեն եթէ ամեն գիշեր կարողանայ միայն քեզ համար աշխատել: Իսկ եթէ երբեմն խօսք էի բաց անում ինձ ընտրելու անպատեհութեան մասին և ասում էի, որ աւելի յարմար փեսացուներ կան Պոլսում, նա իսկոյն խոժոռում էր դէմքն, պինդ սեղմում էր թևս, ինձ յանդիմանում էր բաւականին իրեն չսիրելու համար և խնդրում էր, որ ուրիշ անգամ այս շաներես և անբարոյականացած խաբեբաների անունը չարտասանեմ իւր մօտ:

«Օրերն անցնում էին, մեր շրջանում խանգոտ խօսակցութեան նիւթ էր դառել մեր անյուսալի ամուսնութիւնը: Նրանք մեզ բամբասում էին, ինչպէս ասացի քեզ, և նոյն իսկ նրանցից մէկն ինձ խորհուրդ տուեց յարաբերութիւններս խզել Սահակեանների հետ և այլ ևս չմտածել Աշխէնի մասին, եթէ չէի ուզում ծիծալի արժանի հերոս դառնալ այն սկանդալին, որը սարքում էին նրանք, Սահակեանները, և որոնք այդ սկանդալի գոհ են դարձրել և ու-



քիչ շատերին: Երբեմն էլ անսիրտ խօսքերով կծու նկատողութիւններ էին անում իմ նշանածի վարք ու բարքի մասին և ասողներ էլ եղան նոյն իսկ, որ բժիշկը ինձ չի համակրում, Աշխէնն ինձ չի սիրում, այլ նրանք միայն մտածում են իմ պատուաւոր անուան տակ թաղցնել իրենց անպատիւ անունը: Աշխէնը, նրանց խօսքով, արդէն յանձնուել էր մի քանի անծանօթ տղամարդկանց, որոնք, սակայն, վարուել էին ինչպէս ջէնտլմէն, այսինքն օգտուել էին նրա թոյլ բարոյականութիւնից և յազենալուց յետոյ թողել էին նրան երեսի վրայ ու հեռացել: Այդ ջէնտլմէններից նոյն իսկ մի քանիսը պատուաւոր ընտանիքների զաւակներ են և նոյն իսկ այժմ նրանք ունեն իրենց առանձին ընտանեկան յարկը: Սկզբում ես ուշադրութիւն չէի դարձնում լսածներիս վրայ, բայց նրանց յաճախակի կրկնուիլն ինձ ստիպեց մտածել այդ մասին, և սկսեցի աւելի քիչ անգամ գնալ Պերա, աւելի քիչ անգամ «երջանկացներ» Աշխէնին իմ այցելութեամբ, ինչպէս ասում էր նա, թէ և նրանից հեռանալ անտանելի էր պարզապէս: Այլևս մեզ պէտք էր դառնլ միշտ իրար մօտ լինել, իրար հետ խօսել անվերջ, զգալ, լալ, ուրախանալ, այլևս մեզ չէր բաւականացնում օրուայ մի քանի ժամերի տևողութեան ընթացքում երկուստէք մեր վայելած երջանկու-

թիւնը. մենք ջանում էինք որքան կարելի է շուտ աւելացնել այդ ժամերը, այդ երջանկութեան տևողութիւնը. նոյն իսկ նա ինձանից խնդրեց, որ առաջուայ նման գիշերներն էլ իրենց մօտ անցկացնեմ, բայց չհամաձայնուեցի, թէ և ինձ համար երջանկութիւն էր այն, որովհետև նրա ներկայութեանը մոռանում էի իմ իրական սարսափելի դրութիւնը և անձնատուր էի լինում երջանիկ ապագայի յոյսերին: Ես ուզում էի միշտ նրա մօտ լինել, այն, նրանից հեռու յիշում էի ես միշտ մօրդ, մեր անցկացրած կեանքն իրար հետ, նրա սէրը, իմ փոխադարձ երկրպագութիւնը նրան, նրա մահը, և շատ անգամ մենութեան մէջ տեսնում էի նրա տխուր ուրուականը յուսահատ ժպիտը շրթներին, որ ինձ յիշեցնում էր այն ուխտը, որ հասարակութեան մէջ կուեցինք իրար հետ: Եւ ժամերով տանջում էի: Չատ անգամ սակայն ինձ այնպէս էր թւում, որ իբր թէ Չուշանիկն և Աշխէնը, երկու պատկերներ, հոգուս մէջ ի մի ձուլուած էին, նրանք ոչնչով իրարից չէին զանազանուում, թէ և շատ անգամ մօրդ հետ անցկացրած տասը երկար տարիներս և վայելած երջանկութիւնս աւելի էր ազգում իմ զգացումների վրայ և բոլորէաբար Աշխէնին բաժանում էի նրանից ու շարունակական տանջանքի մէջ ընկնում: Միայն Աշխէնի ներկայու-



Թիւնն ինձ ազատում էր այդ անմիտ տանջանքներից, և սպասում էի անհամբեր այն օրուան, երբ նա իմ կինը կըդառնար և նրա շարունակական ներկայութեամբ ինձ մօտ կըկարողանայի այդ երկու էակներին ի մի ձուլել և մէկի մէջ սիրել միւսին, երկրորդի մէջ պաշտել առաջինին:

«Եւ սպասում էինք նամակիս պատասխանին, որ չուշացաւ սակայն: Այդ պատասխանն երկու երեսից բազկացած և անվարժ ձեռքով գրուած մի թերթ էր: Ստորագրութիւնը քոնն էր: Գուցէ կըյիշես պարունակութիւնը»:

Հայրս լռեց:

Այն, սկսեցի յիշել այդ անիծուած նամակի պարունակութիւնը, որ գրեցի մեծ մօրս թեղադրութեամբ, երբ դեռ եօթը տարեկան էի: Գրանով պախարակում էի հօրս, որ մի հատիկ զաւակին, ծերունի ծնողներին և նախկին կնոջ յիշատակը մոռացած ուզում է ամուսնանալ երկրորդ անգամ և այն էլ «քաղքցի աղջկայ» հետ, որն արգէն պղծել է իւր կուռական անունը և որ կըպղծի նոյն իսկ իւր (հօրս) հայրական, որդիական և ամուսնական զգացումները: Յետոյ աւելացնում էի, ի հարկէ նոյնպէս մեծ մօրս թեղադրութեամբ, որ եթէ նա կ'ամուսնանայ մի անառակ կնոջ հետ, ես նրան հայր չեմ կոչելու և ողբալու եմ իմ բազ-

դը, որ այնքան դառն էր ժպտում ինձ, անիծելու եմ իրեն, նոյն իսկ մօրս յիշատակը, որ շուտ մեռնելով տեղի էր տուել հօրս երկրորդ անգամ ամուսնանալ և ինձ խորթ մօր յանձնել: Չեղջապէս գրում էի, որ մեծ հայրս, մեծ մայրս և մեր բոլոր ազգականները հակառակ են այդ ամուսնութեան:

Գուցէ այս նամակն ինձ թեղադրելիս մեծ մայրս մտածել է, որ որդին ստամբուցի աղջիկ առնելով առ միշտ կըհեռանայ գիւղից, այն, այդպէս կըլինէր երեւի, իսկ ոյժմ առանց ամուսնանալու էլ հայրս մոռացել է գիւղը և ապրում է միայն ինձանով:

Նամակի պարունակութիւնը յիշելով, յիշեցի և օր. Սահակեանին: Ի՞նչ հողի ունէր նա: Ես էի կործանել հօրս, իմ և մանաւանդ իւր երջանկութիւնը, բայց նա ինձ սիրեց միշտ, և որքան վսեմ էր նրա սէրը:

Հայրս լաց էր լինում: Ես մտածում էի:

Մի քանի րոպէ յետոյ ձեռքը համբուրեցի և ներողութիւն խնդրեցի անդիտակցաբար գործած մեղքիս համար:

— Հայր, շատ յուզուել ես, — աւելացրի, — այլևս չմտածենք անցեալի մասին. վեր կ'աց, բեզ առաջնորդեմ ննջասնեակդ. կէս գիշեր է արդէն:

Նա բարձրացաւ նստած տեղից և թոյլ



տուեց, որ իրեն առաջնորդեմ ուզածիս պէս: Ննջասենեակը հասնելով նա ազատեց իւր թեր իմ ձեռքերից, որոնցով բռնած բերեցի նրան, և խօսոյն թոյլ ու մեղկ ընկաւ մի թիկնաթուռի մէջ: Նա դողում էր:

Մի քանի րոպէ լուռ արտասուեց: Յետոյ ընկաւ մտքերի մէջ և այնպէս խորասուզուեց, որ պարզ երևում էր, թէ իւր յիշատակների մէջ փնտռում է Աշխէնի դէմքը: Վերջապէս արտասուքը սրբելով ասաց ինձ.

— Վահան, վերցրո՛ւ մի աթոռ և նստիր ինձ մօտ: Ես ուզում եմ այսօր ամեն բան վերջացնել անցեալիս հետ, որի վերյիշումն ինձ տանջում է: Ես չեմ ուզում ուրիշ անգամ խօսք բաց անել այդ մասին: Ամեն ժամանակ, երբ մտածում եմ, որ Աշխէնը չէր մեռնիլ այնքան շուտ, և ես դժբաղդ չէի լինիլ այնքան երկար... ա՛խ...

Ձայնը խեղդուեց կոկորդում, չկարողացաւ շարունակել ասածը, արտասուքի երկու խոշոր կաթիլներ գլորուեցին սպիտակ միրուքի վրայ: Մի քանի րոպէ լռելուց յետոյ շարունակեց.

— Կարդալով նամակդ շանթահարուեցի: Այդ թղթի կտորը իւր հետ ահուկի նկարներ էր բերել գիւղից: Մի ինչ որ նախապաշարում ինձ ստիպում էր հաւատալ, որ դու այդ տողերը գրել ես մօրդ հոգու ներշնչութեամբ, որ

ամուսնանալու համար թափառում է անհանգիստ օր ու գիշեր իւր խաղաղութիւնը կորցրած: Մի րոպէում անմիանալի կերպով բաժանուեցին իրարից հոգուս մէջ ի մի ձուլուած Ջուշանիկն ու Աշխէնը. այլևս նրանք ինձանից սիրուած և ինձ սիրող երկու էակներ չէին, այլ զոհեր, որոնք ինձանից վրէժ էին պահանջում, ինձանից հանգստութիւն էին խնդրում: Ինձ թւում էր, թէ մայրդ գերեզմանից դուրս եկած կմախքով դեգերում և գերեզմանատանը ցատկոտում է մի շիրմի վրայից երկրորդի վրայ միշտ ու անդադրում, կարծես իրեն հալածում են, հալածում են իմ ապագան, իմ յոյսերը: Յանկարծ նա կանգնում էր դէմս, անողոր աչքերը յառում էր վրաս և ինձ յիշեցնում էր այն ուխտը, որ կնքեցի իրենից մինչև մահս անբաժանելի մնալու համար: Նա ինձ կոչում էր իմ խղճի խորքերից լսելի յստակ ձայնով «երդմնադրութե՛...»: Միայն այդ չէր: Նրա անողոր և ահուկի կմախքի մօտ ընկած լաց էր լինում Աշխէնը, որ իմ սիրային թուլութեան զոհն էր: Մայրդ ցոյց էր տալիս նրա վրայ, կարծես ասելիս լինէր. «Քո վաւաչոտութեան զոհն է այդ...»: Անձնասպան կրկնէի անպայման, բայց Աստուածանից վախենում էի: Եւ սենեակումս առանձնացած ժամերով մտածում էի առանց որ և է եզրակացութեան յանգելու: Սենեակի



օրն ինձ խեղդում էր, բայց չէի համարձակ-  
 ւում դուրս գալ այնտեղից, ամաշում էի մարդ-  
 կանց երևալ, նոյն իսկ պատերը փսփսում էին  
 ականջիս. «Ահա մի մարդ, որ նախորդ կնոջ  
 ոսկորները գերեզմանից դուրս բերեց երկրորդ  
 անգամ ամուսնանալ փորձելով»: Ախ, սարսա-  
 փելի էին այն ըուպէները:

Տայրս դողաց, գուցէ սարսափից:

— 2 եւմ յիշում, որքան ժամանակ մնացի  
 սենեակում նամակդ կարգալուց յետոյ, — շարու-  
 նակեց նա կարճ լուսթիւնից յետոյ, — միայն  
 յիշում եմ, որ անդգալաբար գնացի Սիրքէջիի  
 շոգեկառքի կայարանը, և մի տոմսակ վերցրի  
 Ագրիանուպոլիս գնալու համար:

«Տնցւում էր շոգեկառքը, ցնցւում էի ես  
 բոլոր մարմնովս, բոլոր գգացողութեամբս: Պոլ-  
 սից որքան հեռանում էի, կարծես ճնշումը  
 թեթեւանում էր, և անիծում էի մեքենավարին,  
 որ աւելի արագ չի վազցնում շոգեկառքը»:

**Է.**

— Պոլսից մեկնելուս մասին ոչ որի չէի  
 յայտնել, Ագրիանուպոլսից էլ ոչ որի նամակ  
 չգրեցի, մինչև իսկ հօրեկբօրդ: Մոռացել էի  
 ամեն բան և միայն անձնատուր էի եղել մօրդ  
 և Աշխէնի հետ անցկացրած օրերիս յիշատակ-

ներին: Յիշելով վերջինին բոլոր մարմնովս դող-  
 դողում էի այն յանցաւորի նման, որին մի քա-  
 նի ըուպէ յետոյ դատաւորի առաջ պիտի հանեն:  
 Մօտ մի ամիս մնացի Ագրիանուպոլսում ան-  
 յուսալի տխրութեան մէջ: Երբեմն մտածում  
 էի հեռանալ աշխարհից, առանձնանալ մի վան-  
 քում առանց ոչ որի երևալու, ընկնել շարու-  
 նակ Աստուծոյ առաջ, պաղ քարերի վրայ,  
 համբուրել գետնիւր, մինչև որ նա, իւր ան-  
 հուն բարութեամբ ներելով ինձ մեղքերս, թոյլ  
 կը տար ծերութեանս օրերին խաղաղութիւն և  
 անգորրութիւն վայելել. ուսումնարանական սե-  
 ղանների վրայից միշտ դրա մասին էի մտա-  
 ծում: Մանաւանդ չէի ուզում Աշխէնին հան-  
 դիպել՝ երևակայում էի, թէ որքան պիտի յու-  
 սահատուէր նա, եթէ յայտնէի ստացածս տխուր  
 լուրը: Նա կը մեռնի, մտածում էի ես. ան-  
 պատճառ կը մեռնի իմ հարուածով, իմ որդու  
 տուած հարուածով: Եւ տանջւում էի, տանջւում  
 էի շարունակ:

«— Ագրիանուպոլիս հասնելով իջեանել էի  
 «Փրանսիա» հիւրանոցում և մի ամսուայ ըն-  
 թացքում հազիւ մի շաբաթուայ վարձ էի վճա-  
 րել սեպհականատիրօջ: Մի քանի անգամ խըն-  
 գրեցին վճարել, մի քանի անգամ նկատողու-  
 թիւններ արին, մի քանի անգամ էլ պահան-  
 ջեցին, բայց ես չունէի մօտս վճարելու համար



պարտքս և առարկում էի նրանց, թէ Պոլսից փողի եմ սպասում, թէև ոչ որքին չէի գրել, որ ինձ փող ուղարկեն: Առանձնութեան մէջ ուզում էի ամօթս պարակել: Սակայն ինչ հոգ հիւրանոցի տիրոջը, թէ ես տանջւում եմ. նա պահանջում էր իւր առնելիքը և սպառնում էր ոստիկանութեան յանձնել ինձ, եթէ մի քանի օր յետոյ էլի պարտքս անվճար կըմնար: Նա սպառնաց, դրականապէս սպառնաց: Ի՛նչ: Այդ էր պակաս: Յարոյական անունս արատաւորելուց, հոգեկան անգորրս վրդովելուց, ամօթից ազատուելու համար Պոլսից փախչելուց յետոյ բանտ նստել Ադրիանուպոլսում—այդ միանգամայն անսպասելի և զգուելի բան էր, ուստի իսկոյն գրեցի հօրեղբօրդ, որ հեռագրով փող հասցնի ինձ: Երեք օր յետոյ ստացայ որոշուած գումարը և մի նամակ, որի մէջ նա բացատրում էր մեր դատական գործերի դրութիւնը և գրում էր, թէ որքան վտանգաւոր պայմանի մէջ են այդ գործերը և առանց իմ ներկայութեան անպատճառ կը կորցնենք առ միշտ մեր դատը: Եւ նա վերջացնում էր նամակը հետեւեալ բառերով.—«Իւր քրոջ շարունակական ստիպումների վրայ բժ. Սահակեանը դիմեց ոստիկանութեան մինխտորին և խնդրեց, որ հրահանգներ ուղարկէ ամեն տեղ քեզ գտնելու համար: Մենք անհամբեր քեզ ենք սպասում:

Քո հեռանալը բամբասանքի տեղիք տուեց և մեր ու Սահակեանի անունը խաղալիկ է դառել բոլորի բերնին: Մեր պատիւը վտանգի մէջ է. մեր գործերը վտանգի մէջ են. եկ, շուտ եկ: Անհամբեր քեզ ենք սպասում»: Այդ նամակն ինձ ազատեց, մի ըստովում աչքիս առաջ պատկերացան, քո, ծնողներիս, եղբայրներիս դէմքերը, անցեալ կեանքիս յիշատակները, բժ. Սահակեանի բարեկամութիւնը և Աշխէնի ներողամիտ հոգին: Զգացի, որ անմիտ բան է մտորել այդպէս անյոյս, անշահ, զգացի, որ պէտք է կանոնաւորել, մի ելք տալ իմ և Աշխէնի յարաբերութիւններին, քանի որ նրան հաւատացրել էի, որ երկու կամ երեք շաբաթ յետոյ անպայման վճռուած կըլինի իւր ապագան, իսկ այժմ արդէն երկու ամիս էր անցել: Ուստի որոշեցի իսկոյն Պոլիս վերադառնալ և այնտեղ զբաղուել առօրեայ իրական կեանքով. յոյս ունէի, որ իմ գործունէութիւնն ինձ շուտ պիտի կազդուրէր մոռանալ տալով իմ անցեալը և կրածս յուզումները:

«Եւ եկայ Պոլիս:

«Ինչպէս ճշտութեամբ նկատել էր հօրեղբայրդ իւր նամակում, շուտ հասկացայ, որ իմ յանկարծակի աներևոյթանալն այլ և այլ տարածայնութիւնների տեղիք է տուել, և բոլորն էլ կարծում էին, որ Աշխէնից խաբուած լինե-



լուս գիտակցութիւնն է պատճառ տուել ինձ հեռանալ Պոլսից և օտար քաղաքում ամօթս պարակել: Վերադարձն էլ ահագին խօսակցութեան նիւթ դառաւ: Չար լեզուները հաւաքուեցին շուրջս և ջանում էին գաղտնիքներ կորզել ինձանից, բայց բոլորն էլ ձեռնոռնայն հեռացան: Իմ գալու մասին շուտ լսեց և Աշխէնը, նա եկաւ մեզ մօտ, բայց առանց ինձ տեսնելու հեռացաւ, որովհետեւ ծառային պատուիրել էի եկողներին յայտնել, որ տանը չեմ, ո՛վ և լինի այդ եկողը: Երկրորդ օրն ես գնացի Պերա Սահակեանների Թակսիմ-փողոցի բնակարանը: Գուռն Աշխէնը բացաւ. գուցէ զգացել էր, որ զանգահարողն ես եմ եղել: Նա իսկոյն փաթաթուեց վզիս և մի բանի անգամ իրար յետևից համբուրեց: Յետոյ յանկարծ հեռացաւ ինձանից և հարցրեց ձեռներս բռնելով.

«Ո՛ւր էիր երկու ամսից ի վեր, ինչո՞ւ չէիր գալիս մեզ մօտ. ո՞ւր էիր գնացել:

«Չպատասխանեցի, ջանացի ձեռիցն ազատուել. նրա իւրաքանչիւր համբոյրն այրում էր. այտերս և ամբողջ ջիզերիս վրայ ցնցում էր առաջացնում: Նա դարձեալ հեռացաւ ինձանից, յետոյ բռնեց ձեռներս և սկսեց մտիկ անել գէմբիս, յանկարծ մի ճիշ արձակեց և ընկաւ թևերիս մէջ: Մի բանի ըոպէ մնաց այդպէս. նրան գրկած բարձրացրի վերև: Նա մի

բանի անգամ էլի նայեց ուշադրութեամբ և ասաց.

«—Ա՛խ, որքան փոխուել ես, նիհարել ես, աչքերդ փոսն են ընկել. երևի հիւանդ էիր երկար ժամանակ:

«Ես շուարած մնացել էի:

«—Ասո՛ւ, ասո՛ւ, մի՛թէ հիւանդ էիր, ինչ է պատահել քեզ. ո՞ւր էիր, ասո՛ւ, շուտ ասո՛ւ:

«—Ո՛չ, հիւանդ չէի. այլ և այլ մտածութիւններ և յուզումներ ինձ վրայ ազդեցին. ոչինչ չուներ, միամիտ կաց:

«—Եւ այդ ի՞նչ յուզումներ էին, որ քեզ այդքան մաշեցին: Գու լուում ես... չլինի՞ մի վատ բան պատահած լինի: Երկու ամսից ի վեր ո՞ւր էիր...

«Ի՞նչ կարող էի պատասխանել: Իմ ասելիքը նրան մահացու հարուած պիտի տար, բայց լուել էլ անկարելի էր: Մի բանի ըոպէ երկմտելուց յետոյ ասացի.

«—Քեզանից հեռացայ, որովհետեւ ուրիշ բան չէի կարող անել:

«—Ա՛հ...

«Նա ճշաց և ընկաւ դիւանի վրայ: Մի բանի ըոպէ ճնշող լուութիւն տիրեց մեր մէջ: Նա լալիս էր: Ես դողում էի յուզումից:

«—Այո՛... ուրիշ բան չէիր կարող անել... չէիր կարող... այդ ճշմարիտ է...



«Լուեց դարձեալ, ձեռների մէջ առաւ գլուխը և շարունակեց հեկեկալ: Նա ցնցուում էր, նրա յետ ցնցուում էր դիւանը, նրանց հետ ցնցուում էի և ես:

«—Այո... ուրիշ կերպ չէիր կարող անել... ես ստոր եմ... ես խաբեբայ եմ...

«Ծունկ չոքեց յանկարծ առաջս, գլուխը կախ գցեց և ձեռները տարածելով շարունակեց:

«—Ներիր ինձ, Միքայէլ, ներիր ինձ. հաւատա, որ անմեղ եմ. իրաւ է, ես քեզ խաբեցի... բայց քեզ շատ, շատ եմ սիրում... այդ ճշմարիտ է...

«Սկսեցի հասկանալ, որ նա... ահ տէր Աստուած, որ ճշմարիտ են ասում բոլորը... նա անառակ է, ինքն էլ է այս խոստովանում. բայց որքան ազիտորմ կերպով է զղջում նա իւր յանցանքը, որքան յուսահատական է նրա դրութիւնը և որքան հաւատում է ներողամտութեան...

«—Ներիր... ներիր...

«Չկարողացայ երկար մտիկ անել արտասուող Աշխէնի վրայ, թեքուեցի և վերցրի նրան ու նստացրի դիւանի վրայ:

«—Համբուրի ինձ և այդ համբոյրը թո՛ղ քո ներողամտութիւնը և իմ երջանկութիւնը լինի: Դրանով ես ինձ արդար կրկգամ քեզ

մօտ և իմ ամուսնական կեանքում խղճի խայթ չեմ ունենալ: Ժպտում ես... ախ, ուրեմն ներեցիր ինձ, ո՛հ. որքան բարի ես...

«Այո, ես ժպտում էի, դառն, սպանիչ ժպտով. ես տանջուում էի և այդ ժպիտը իմ տանջանքի թունաւոր ծաղիկն էր, մինչդեռ նա թապցրեց գլուխը ձեռների մէջ և շարունակեց աւելի եռանդով լաց լինել: Այդ լացն իւր անցեալ թշուառութեան յետին մնացորդն էր, որ տեղի էր տալիս երջանիկ օրուայ արշալոյսին, երբ թափանցիկ մառախուղն սքողում է երկնքի երեսը: Նա յուսում էր, իսկ ես նրան ստիպեցի աւելի յուսալ: Նրա հպումն ինձ անբնական ցնցում առաջ բերեց ինձանում և ես անգիտակցաբար համբուրեցի նրա մազերը: Նա էլ ցնցուեց բռնեց ձեռներս և ջղաձգական շարժումով մօտեցրեց կրծքին:

«—Այս սիրտը ոչ մի ժամանակ այնքան ուժգին չի բարախել, որքան այժմ է բարախում, կարծես ուզում է կոտրել, խորտակել կուրծքս և զուրս թռչել: Կեանքումս ոչ ոքի այնպէս չեմ սիրել, որքան քեզ եմ սիրում. և միայն այժմ եմ զգում, որ իսկապէս սիրում եմ, թէն անցեալում շատերին էի հաւատացրել թէ սիրում եմ իրենց... ես քեզ սիրում եմ խենթի նման...

«Նա ուզեց գլուխը գնել կրծքիս:



«— Այն, ես ունեցել էի սիրահարութիւններ, բայց ոչ որին անկեղծ չէի սիրել և ոչ որից անկեղծ չէի սիրուել: Դրանք պատանեկան վառ ցնորքներ էին, որ տիրել էին սրտիս և մտքիս, և հէնց այդ ցնորքներն էին, որ ինձ ստիպեցին անձնատուր լինել մի խարեբայի, որ խոստացաւ ամուսնանալ ինձ վրայ և հեռացաւ ինձանից, երբ այլևս իմ սէրը կորցրել էր իւր նորութիւնը:

«Ես աւելի ու աւելի հեռու էի փախչում:

«— Ո՛հ, մի մեղադրիլ ինձ. ես խաբուեցի բայց մարդու եմ... Դու չես հաւատում, որոհեաւ ուրիշները քեզ վատ, շատ վատ կերպով նկարագրեցին իմ անցեալն և իմ ներկան...

«Մի քանի քայլ էլի հեռացայ նրանից: Այլ ես նա ինձ համար տանջուող մի հրեշտակ չէր, որ իմ սիրուց և իմ երզումներից է խաբուել, այլ մի կին, որ իւր եղբօր հետ մեղսակցած խաբում էր ինձ տասն ամսից ի վեր և ուզում էր զնել իմ պատուաւոր անունը մի քանի ոսկով և գուր յոյսեր տալով: Եւ հեռանում էի նրանից, քայլերս դէպի դուռն ուղղած: Նա մի քանի քայլ հետևեց ինձ, օհագին մի ճիգ գործեց բզաւելու, ինձ գրկելու, իմ յետևից գալու համար, բայց զսպեց իրեն և, իւր յանցանքի ծանրութեան տակ կատարելապէս ճնշուած, քաշուեց պատի տակ,

կրթնեց նրան և թոյլ ձայնով ասաց վերջին անգամ.

«— Հաւատացնում եմ, որ անմեղ եմ:

«Նրա դրութիւնն ինձ յուզում էր. գերբնական ճիգ էի թափում նրանից առ միշտ հեռանալու համար, բայց չէի կարողանում. նա յուսահատ դրութեան մէջ ձուլուեց դարձեալ մօրդ հետ և ինձ ստիպում էր խոնարհել իւր առաջ և երկրպագել իրեն:

«Բուպէական տատանումից յետոյ դանդաղ մօտեցայ նրան: Նա ախուր և մեղամաղձոտ հայեացքը յառեց ինձ վրայ, արտասուակալած աչքերով ժպտի նման մի բան էր փայլում, և իմ ձեռքից բռնելով վախկոտ ձայնով հարցրեց.

«— Ներս՛ում ես ինձ:

«— Այն:

«— Ուրեմն շուտով կամուսնանանք...

«— Ո՛հ...

«Նա սպրտնեց, դողաց ու փախաւ իմ մօտից:

«— Ո՛հ... մի ամուսնանալ, չեմ ուզում... Դու ինձ խաբում ես... Մինչդեռ ես քեզ այնքան մեծահոգի էի կարծում... Գնա... Գնա... Հեռացիր այստեղից... Ինչո՞ւ ես նայում ինձ վրայ, ուզում ես իմ զարտնիքն իմանալ... ուզում ես իմանալ, թէ նր սրիկան խաբեց ինձ և այժմ գուարճանում է իմ թշուառու-



Թեամբ... Բայց ես թշուառ չեմ... Ես էլ եմ  
գուարճանալու... Ես էլ եմ գուարճանալու առ-  
միշտ... հա, հա, հա...

«Նա վայրենի ու անբնական կերպով ծի-  
ծաղեց, յետոյ ուժաթափ ընկաւ յատակի վրայ  
ու սկսեց իւր ձեռներով խեղդել իրեն: Նա հե-  
կեկում էր, հեկեկում ջղաձգաբար. նրա կուր-  
ծքը խորտակւում էր, և նա խեղդում էր, խեղ-  
դում էր իրեն, իւր վերջնազգեստի օձիքով:  
Մի րոպէ ապուշի նման նայեցի նրա երեսին  
և առանց ոչինչ ասելու կամ զգալու դուրս ե-  
կայ սենեակից: Նախագաւթում մի քանի րոպէ  
անշարժ մնացի կանգնած և չէի իմանում ինչ  
անեմ: Յանկարծ լսեցի նրա ձայնը: Նա լալիս  
էր բարձր ձայնով: Անդգալաբար յետ դարձայ,  
մտայ սենեակ. նա միշտ լալիս էր ընկած գրու-  
թեան մէջ:

«— Աշխէն... առ... առ այս նամակը և  
կարգան...

«Եւ գցեցի ուղարկած նամակդ նրա առաջ  
ու դուրս փախայ յիմարի նման, ցած վաղեցի  
սանդուղներով և դուրս եկայ տնից: Փողոցի  
մաքուր օդը թարմացրեց ջիղերս, և միայն այն  
ժամանակ զգացի, թէ ինչ պատահեց ինձ հետ  
մի քանի րոպէ առաջ և թէ ուրբան տանջում  
է ինձ այդ: Եւ փախայ Թակսիմ փողոցից,  
փախայ առ միշտ:

«Մի քանի օր յետոյ բժիշկը հրաւիրեց  
ինձ իւր մօտ: Առանձին խօսակցութիւն ունե-  
ցանք մի ժամի չափ: Նա ինձ բացատրեց, թէ  
ինչ է հետեւելու իմ մերժումին և թէ որքան  
դժբաղդ պիտի լինի Աշխէնը, քանի որ իմ հե-  
ռանալը նրան անպատուութեան և անառակու-  
թեան անունով պիտի մկրտի: Ոչինչ չպատաս-  
խանեցի: Նա խնդրեց ինձանից չհրաժարուե-  
լու իմ խոստումից, առաջարկեց, վերջապէս  
սպառնաց, բայց ես միշտ ժխտական պատաս-  
խան էի տալիս: Նա գուցէ ծառաների միջոցով  
դուրս անել կըտար ինձ խայտառակելով, եթէ  
Աշխէնը չլինէր, որ քո նամակը կարդալուց յե-  
տոյ ներողամտութեամբ էր վարւում ինձ հետ:

«Նրանից յետոյ այլևս չգնացի նրանց մօտ:  
Աշխէնն սկզբում ինձանից խուսափում էր հա-  
սարակութեան մէջ, բայց շուտով իւր կա-  
լուածները կառավարութիւնն ինձ յանձնեց, որ  
և կատարեցի մինչև տանուլ տուի մեր դատը  
և սնանկացանք: Յետոյ բոլորը երես դարձրին  
ինձանից, նոյն իսկ հարազատ եղբայրս էր, որ  
ինձ ստիպում էր անպատճառ ամուսնանալ Աշ-  
խէնի հարստութեան հետ:

«Աշխէնը մինչև մահ ինձ սիրեց. նա պա-  
հեց իւր մօտ քո նամակը և քեզ մօր պէս  
խնամեց: Նա ապրեց անառակութեամբ, աշ-  
խարհային գուարճութիւնների մէջ, փորձեց մո-



ուանալ իւր անցեալը, որ այնքան տխուր էր,  
իւր ներկան, որ այնքան դժբաղդ էր, և չմտա-  
ծեց իւր ապագայի մասին, որ սպառնում էր  
իրեն և որ նրան մահացրեց շատ անգուլթ  
կերպով:

Հայրս լռեց: Մի բանի ըոպէ ինչ որ  
խորհրդաւոր բան ճնշում էր մեզ:





Alcornoque pro modo de

Wiggen & Co

<< Ազգային գրադարան >>



NL0320815



